

雪門詩州

三冊



雪門詩草卷五

蒿目集

己未年

善化許瑤光

雪門甫著

善化許瑤光

穀日渡西興作

重遊浙地四經春。水驛山郵草草身。今日新年仍問渡。

西興微雨濕行人。

江千古柳吐黃芽。江岼風潮漲白沙。幸有小航能待渡。

西湖許我問梅花。

天涯輪轉學勞薪。雁後花前倍慘神。不是家僮羅拜祝。

雪門詩草

卷五

蒿目集

已忘今日我生辰

西施廟

余以丁巳暮春視事義安暇眺南部得苾蘿舊

蹟明璫翠帔照耀溪光蓋愛古者標其盛也已

未之春余將瓜代緬維名媛生長未免踟躕勉

成十絕刻石廟側有揚無抑庶不以唐突見諒

矚紗石上春日黃浣紗溪畔春波香。妾自殷勤供女職。

那知姓氏動君王。

山如點黛水如螺。小廟誰修曲徑阿。當作門楣光故里。



徵車曾枉相臣過

芙蓉初出擅風姿。貴固殊人賤亦奇。記得隣娃慕顏色。效顰早日有東施。

笑攀桃李別春風。去采姑蘇蓮蕊紅。唱曲女兒齊俯首。一時越艷壓吳宮。

垂垂珠幌動鳴璫。倚醉嬌生白玉牀。報越報吳何等事。

捧心未敢訴衷腸。

英雄烏喙亦多情。甬邑東留海畔城。但使夫差似長樂。朝雲應倚過殘生。

雪門詩草

卷五

蒿目集

一一

芊○繚○香○草○軟○如○茵○麋○鹿○長○洲○鬻○暮○春○知○把○黃○金○鑄○良○弼○  
保○全○越○社○究○何○人○

沈○江○水○莖○謝○鴟○夷○雲○雨○風○濤○古○會○稽○應○託○微○波○還○故○國○

至○今○潮○尚○到○楓○溪○楊升菴謂沈西施於江以謝鴟夷鴟夷非鴟夷子乃指伍胥引載之鴟夷

而浮之江爲證解亦奇

關○楓○溪○在○諸○暨○東○北○  
嘸○嘸○東○風○叫○鷓○鴣○越○臺○何○處○認○平○蕪○如○花○春○殿○當○年○滿○  
曾○記○眠○薪○食○膽○無○

春○深○姿○媚○碧○苔○紋○石○上○書○題○王○右○軍○千○古○苧○蘿○明○月○色○  
美○人○名○士○各○平○分○

春夜

金鼻香噴良宵永。藻井無塵玉徽靜。簾幕垂垂春氣融。  
小窗燈弄瓶梅影。

別諸暨作

吏民置酒攔我道。滿路東風香繚繞。洗溪流作玉琴聲。  
怪我囊琴去何早。西嶺桃花紅欲開。不待花開花應惱。  
宦途遷調那有常。東山月轉西山曉。杭城故人昨日書。  
催道湖光相待好。商量去住難爲情。白雲舒卷隨天表。  
兩載淹留兵水荒。簿書歲月疾如鳥。愧無規畧繼劉侯。

雪門詩草

卷五

蒿日集

三

豈有風騷師鐵老。儒吏循吏何者是。細算沈思真絕倒。  
匆匆去轍不可回。風搖堤柳船篷掃。行囊莫謂使君廉。  
藏有丹青老蓮稿。明邑侯劉復修諸暨水利有經野規畧一書

夏寒

已過短至尚披緜。水漲錢江伏雨天。錯認重陽秋色老。  
菊花開遍馬塍前。

豈緣鄒衍夏霜寒。縱有徐陵帶熱難。人世炎涼無復準。  
自採槐葉作淘餐。

購畫新逢沈石田。開圖雪嶺界雲天。滿堂虛白空難掃。



暖酒微酣障底眠。  
旅居湫隘原無竹。庭榭清閒却種花。但得清涼過此夏。  
不辭重續換輕紗。

數絕  
四月初十日由岳墳至玉泉歸憇紫竹禪院得詩

纔過清和浴佛天。玻璃舫泊岳墳前。漫山青翠收新雨。  
綠霧濛濛叫杜鵑。  
欲問花神廟已頽。零環碎佩半青苔。莫辭更入玉泉去。  
一路野花隨意開。

雪門詩草

卷五

蒿日集

四

昔時金鱗已無多。無恙清泉似舊波。此日重來應識我。  
一龕烟火供彌陀。  
歸憇湖西紫竹林。長松滿院落青陰。高僧不在禪關寂。  
細細爐香裊佛金。  
鄰船香客促扁郎。指點雷峯上夕陽。我亦回舟望城闕。  
滿湖風起白蘋涼。

四月廿一日同劉芸齋諸友泛湖遇雨

風捎柳岸人難立。雨濕篷窗酒易涼。老大扁郎仍膽壯。  
搖船偏向水中央。

贈楊鐵星

昔年同住宣武門。旅館槐花共酒尊。今年同住吳山麓。  
輕衫各蘸西湖淥。別經十載髣髴斑。滄桑世事如翻軸。  
且喜東南半壁完。竭來浙水營微祿。那知鶴唳逐鳧飛。  
來日衢州報被圍。男兒氣息如山湧。憤携書劍贊戎機。  
銅錢嶺上十萬賊。夜半燒營紮不得。望氣應知我有人。  
飄風卷盡妖雲黑。我時浣水練團兵。官兵亦復永康城。  
金巖衢處千山霧。一夕秋光爲掃清。白帝雲旗指吳越。  
故人此日罷從征。中原豺虎猶未靖。楚國英賢競馳騁。

雪門詩草

卷五

蒿日集

五

舊日師朋半將才。蒼鷹騰擊雲霄迴。我輩偷閒滄海邊。  
西風玉匣干將冷。十載兵戈不與謀。昨來始遇烽烟警。  
天心警浙終愛浙。游氛一掣無留影。四海方歌行路難。  
六橋楊柳一枝安。他時事勢那可必。南北峯頭月且看。

西湖雜詠

土獻錢王鐵券盟。衣冠南渡保陪京。天心似愛湖山秀。  
會遣杭州作帝城。

御園春雨長青苔。獸鎖金鋪繡未開。惟有池中美人石。  
簪花長待翠華來。

行宮池中有石杭人稱爲美人石



西階銅鹿尚銜芝。東階銅鹿杳何之。雨露不忌。巡幸

澤。聖因寺繞綠楊絲。行宮階前銅鹿二今失一

曉鐘催客到南屏。紅檣相迎酒半醒。入寺敬參羅漢果。

黃袍瞻就降檀馨。淨慈寺世尊像五百座中有黃袍黃蓋日角龍庭者杭人引太昊即應聲

大士之說相附會恐非無因

靈簫畫鼓惜芳辰。處處春波長白蘋。社日搖船雙槳快。

金沙港去賽花神。李敏達建祠奉湖山之神增其景爲湖山春社杭人謂敏達自塑其像於

中花神十二皆其侍妾觀御賜竹素圍額奉懸其中諒不誣矣

白面遊郎寶馬嘶。瑣瀾橋畔踏香泥。楊花處處迷人眼。

雪門詩草 卷五 高目集

不辨蘇隄與白隄。

韜光深處聳高樓。竹筧流泉折折幽。寒綠侵人肌骨爽。

山風海色四時秋。

十丈蓮舟六月乘。朝來水氣曳輕縉。自家瓜果清涼甚。

卻買湖中新剝菱。十丈蓮湖中舟名

中元燈火混湖光。夜泛湖船一鏡涼。更說中秋明月好。

滿湖風露桂花香。

黃綾小袋護當胸。三竺雲開報曙鐘。香客到來天未曉。

山門松翠滴重重。

牛酪詠

我昔試吏居桐江。學使過境索牛酪。驟無牛酪閻者怒。  
星軺不發縣前泊。今年聽鼓居杭城。杭城刺史殊多情。  
芻人刈草西湖曲。日日殷勤飼黃犢。黃犢有母乳。潼潼  
饑以角觸母牛腹。虬鬚老僕睨犢旁。紅瓷奪乳飛香。  
畫戟轅深晨夢破。一椀銀漿達清臥。從茲黃犢常朝餓。

麻溪舟中

薰風逆舟舟行遲。卻喜迎面能添爽。舟中吟詩不成書。  
筆墨搖蕩隨雙槳。兩岸青青老樹垂。篷窗一夢綠雲晃。

雪門詩草

卷五

蒿目集

七

鏡湖快閣在何許。水面菱歌涼波響。閑閑白鴨菰蒲中。  
白彎蠟喙洗紅掌。

卽目

萬樹蟬聲韻野絃。桔槔引水灌平田。薰風細細稻花苗。  
日午秧雞覆稻眠。

六月十五耶溪待月

月到將圓出漸遲。海雲更爲遮掩之。耶溪舟中坐相待。  
碧波涼露生秋思。沙岸人家少燈火。一螢飛入叢竹枝。  
清風微微樹不颯。蘆洲濕翠侵人肌。



納涼

我依高梧作主人。更招明月爲嘉賓。竹林葵扇一茗碗。  
坐臥起立隨吾身。不問長安事。那識干戈塵。仙心佛念  
兩無有。世俗凌雜何足陳。清風徐徐動天末。梳我綠鬢  
澄精神。隔苑誰人吹玉笛。梅花楊柳莫名春。棲蟬無聲  
萬籟寂。仰見飛星奔銀津。玉宇瓊樓在人世。廣寒何必  
尋水輪。微雲漸起露欲滴。歸臥紗幮隨欠伸。撫牀殷勤  
囑菊枕。不須好夢生迷因。

初秋感事

雪門詩草

卷五

蒿日集

八

前年冬洋人構釁粵東粵人請設備節相葉以  
扶鸞卜敵篤信仙語無害堅不爲防城遂破夷  
人駐兵於觀音山挾葉登輪舟去後死於海島  
朝廷命吏部侍郎黃馳驛往黃請沿海以察夷  
情由江浙繞閩以達粵已而以粵西撫勞文毅  
署總督僧王率勁旅防大沽口桂文端花文定  
馳赴上海定議蓋以內近者爲防而以外遠者  
爲撫也洋人不會議於滬兵船直駛天津是昔  
日洋情重在東南今則轉移直北矣感而作此

上相星臨滬瀆。明島夷仍犯薊州行。津倉米已沙船兌。  
遼海兵原鐵騎精。未許和盟生詭秘。敢因優養更縱橫。  
昨宵紫極瞻闌角。重疊祥雲擁玉京。  
回思香港簇蓮花。快蟹長龍水曲遮。舊日義民曾卻敵。  
兩年泉客竟爲家。檣竿鐵砲開濠鏡。典籍烟煤化越華。  
久道相公航海去。可能徐福共生涯。  
叔兄墨綬縮潮陽。一紙書來託海航。去歲星輅猶惠郡。  
比來丹詔出明光。桂林節鉞傳東指。銅柱勳名定遠  
揚。早晚觀音山上虜。一齊卷旆出重洋。

雪門詩草

卷五

蒿日集

九

浙境沿邊盡海游。甬江澈浦又東甌。鮫盤是處通番市。  
由教於今有拜樓。彼擾邊陲先失利。我堪羈縻不防秋。  
思量二十年前局。北角東瀛已不侔。

誌慨

洋烟由海舶以入中華。見於明萬厯間李時珍  
本草穀部名阿芙蓉一名阿片。俗謂之鴉片。性  
能止痢澀精。引王綸醫林集要云。來自天方國  
龔雲林醫鑑有一粒金丹名卽此物也。至本  
朝乾嘉間流染漸盛。華人迷之。有自種者。然終



不如洋產以內地寶貴之銀易外域害人之物  
涓涓不息流爲江河道光中年銀價日昂上下  
交困江西黃樹齋先生上漏卮一摺因而林文  
忠查辦洋烟釀成巨案杭州許乃濟太史有請  
開烟禁之疏未能遽用今則藉洋葯捐以助軍  
餉矣放緩寇紀略言天啟時有天下兵起遍地  
皆烟之謠說者謂烟卽今之烟草然烟草或謂  
始於明或謂唐時已有之恐此謠爲洋烟發也  
新論云飛颺甘烟又云口貪滋味命曰熏喉之

雪門詩草

卷五

蒿日集

十

烟今日甘烟者人人飛颺何畏乎熏喉耶嗜好  
所在災於其身逮及寰海能無慨然

江右黃公慨漏卮封章曾受九重知那期事變終難  
挽轉出狂瀾不易支罌粟連天迷雨露芙蓉是處幻城  
池生民底事甘沈酒膏火相煎又幾時

勝朝芽蘗入中華番賈裝來貫月槎當日芳名歸藥籠  
而今奇貨到農家休嫌謀國先幾短致使齊烟九點遮  
作備何人君試問豈知流毒至斯耶  
回首兒時四十年滄桑世畷起烽烟需泥變竟成師訟

厝火人猶縱。寢眠已幸識。時開厲禁。暫因軍餉借。罄錢  
杭州太史吾宗杰。曾獻芻蕘達。御筵  
日月爭光仰。酒星桑麻并。重著茶經。帶人尤物皆。天降  
滋蔓中原已。地靈一例虜。瘡留漢將。千年烟草瑞。明廷  
彼蒼究。竟因何醉。欲叩閭扉喚不醒。

湖心亭觀鹿

鹿本深山客。胡爲水之中。蓮花開洲渚。來遊非吳宮。已  
被松圈錮。戴角偏自雄。子鹿時跳跟。老鹿臥從容。湖亭  
久已圯。寂寂遊人蹤。一自僧養鹿。士女來昌丰。銅牌年

雪門詩草

卷五

蒿日集

十一

代失翠芻朝夕充。金毛雪點博人愛。不愁鋸斷瑪瑙茸。  
且聞今年事。城中鹿爭致。有人銀管呵其血。坐使斑龍  
色蕉萃。寺僧養鹿。鹿銜恩。尚未牽過權貴門。

立秋

西風昨夜入庭柯。鐵線輕紗欲換羅。池閣幾家涼意透。  
關河萬里白雲多。中年易感潘郎鬢。秋節難吟漢婕歌。  
剩有幽蘭慰遲暮。曉含香露向人呵。

秋日西湖觀荷偶述

夏荷已歛澹。秋荷更鮮妍。西風吹香發。蕩漾碧雲天。寶



馬○誰○家○子○三○五○長○隄○邊○看○花○肆○游○冶○行○行○忽○停○鞭○游○魚○  
啖○人○影○香○藻○牽○去○船○花○前○已○眷○戀○花○外○更○纏○綿○人○情○無○  
界○限○瞬○息○多○變○遷○可○憐○灼○灼○姿○能○使○青○驢○牽○那○知○木○蘭○  
漿○可○望○不○可○前○但○見○雙○翡○翠○飛○入○湖○中○烟○

感遲暮

年○少○如○春○木○雨○露○爭○華○耀○不○知○誰○使○然○隨○境○得○歡○妙○黃○  
鸝○語○東○風○秋○來○輟○仙○調○歡○樂○變○疏○懶○遲○暮○氣○所○召○雲○霞○  
散○餘○綺○倚○閣○愛○返○照○

錢江琵琶

雪門詩草

卷五

蒿日集

三

斜○日○錢○江○水○琵○琶○水○上○聲○一○彈○江○月○白○再○彈○江○水○清○三○  
彈○曲○未○罷○澎○湃○夜○潮○生○美○人○驚○起○碧○衫○舉○龍○舟○畫○鷁○一○  
時○橫○如○此○風○潮○莫○歸○去○勸○郎○今○夜○船○中○住○

駐舟越溪

西○風○吹○動○越○溪○橈○將○入○天○台○訪○石○橋○多○謝○蓬○萊○山○下○月○  
清○光○留○我○度○秋○宵○

渡曹娥江

昨○宵○雨○濕○蓬○萊○驛○今○日○雲○開○孝○女○祠○滿○岸○菊○花○黃○似○絹○  
渡○江○正○是○早○潮○時○

甯海雜詠

浙地東南角。山深海亦深。颶風時拔屋。瘦木自成林。石  
壘沙田漲。花栽粟穀陰。棚民和蟹戶。撫字費沈吟。  
土寇年前作。西城屋盡焚。災黎猶待卹。餘孽未全熏。望  
歲消兵氣。祈天掃瘴雲。惟憐鄒大令。全節獨流芬。  
鄒君名全

節竟成  
識語

城部多崩缺。躊躇補葺難。時艱無帑請。地瘠况民殘。通  
賦千村積。連年五日官。赧顏看墨綬。底術挽狂瀾。  
洋面人難出。於今盜賊雄。南田踞巢窟。廣艇仗潮風。重

雪門詩草

卷五

蒿日集

十三

鎮兵徒擁。巡船費早窮。中原多事變。那復顧溟東。  
巡船經費

四年截止海  
盜遂難制

公府如僧舍。何因慰寂寥。縵城聊課士。南部偶觀潮。地  
遠朋來少。年荒訟亦消。青燈與黃卷。宛轉伴寒宵。

十月園中桂。凌霜尚作花。晚香能慰客。破廨且爲家。籬  
敗藤穿蛭。牆欹薛走蛇。呼僮扶怪石。也作小山斜。

人道黃溪口。江瑤產仲春。我來剛歲暮。尚未食奇珍。下  
酒瓊蚶紫。堆盤粉蠟新。禦冬饒水錯。不負老饕身。

翩翩鄧梅尉。蘊藉腹多書。設帳文招士。工棋著讓予。十



年京邸熟。八口錫山居。相對憐蕭瑟。微雲悵卷舒。  
阮君竹林客。俊拔出風塵。一第春闈懶。斯文道味親。  
今兼識古憂。亂不憂貧。長夜挑燈語。依依已四春。  
昔走台州遍。茲來更向東。滄溟連野白。霞色入城紅。  
紫洞唐年壘。龍山靖難忠。讀書兼報國。懷古想英風。  
回首錢塘路。曹江又甬江。暮烟遮古驛。海色接孤艘。  
好夢湖雲繞。鄉愁越酒降。比來行李減。一劍與琴雙。

寒夜

長夜吳天碧。嚴寒滄海深。暗水生遠渚。瘦月出疏林。境

雪門詩草

卷五

蒿目集

四

寂憑書慰。霜多壓夢沈。荒雜何處唱。搖動故鄉心。

遇蔣紫玖司馬於越溪舟中別後卻寄

前年秋潮發。同上錢江船。青娥四五人。次第歌嬋娟。好  
曲不盡識。掩抑聽鳴絃。燭花照綠髻。半醉拍其肩。君狂  
我亦肆。飄飄身欲仙。夜飲醒未解。晨光復開筵。流連不  
知暮。此景在目前。那識一分手。二十四蟾圓。君縮舟山  
綬。孤城滄海懸。寄書來浣水。字帶鯨波烟。浣水君舊治。  
口碑傳君賢。蕭規而曹隨。一一仰先鞭。今年脫浣印。武  
林饒春眠。朝夕期君至。同采西湖蓮。蓮花已落盡。桂花

又凋妍旋奉縵城檄。撥雲台岳巔。臨行不見君。惆悵赤  
霞天。誰知蓬萊月。照此雙蘭荃。把臂叫未已。出示新詩  
篇。詩經海水濯。字字珊瑚鮮。空囊別無有。清句抵廉泉。  
握卷那忍釋。催別惱鳴舷。君言且莫去。秋雨方涓涓。冒  
雨尋花好。脫此塵網纏。百年笑幾日。那惜買酒錢。風光  
不相貸。良會趁此緣。况聞江上柳。飄零散翠鈿。往時蠻  
素輩。今落阿誰邊。搖曳花梢雲。化水逐流川。東風雖有  
意。吹之不复旋。善學吾難會。新歡宜目便。感君致拳拳。  
爲君行遷延。別君又幾日。珂雪飛輕縣。作詩郵筒寄。勝

雪門詩草

卷五

蒿目集

十五

事傳吟箋

劉望洲太守由蘇來浙。供億江南鄉闈。別後卻寄  
聖壽開。恩榜江南借浙闈。兩科萃什奏。十月桂花飛。  
皖額名仍舊。徽州士到稀。君來設供帳。舊地恰如歸。  
六載西湖路。煙花處處收。春風曾浙水。明月又蘇州。吳  
越五湖共。東南半壁秋。我今羈海角。遙望暮雲愁。  
何日金陵克。江淮凱奏聽。國威殲醜類。家祭告忠靈。

猶子心情慰。專祀俎豆馨。他年觀竹帛。漢水照垂青。望

叔見甫方伯殉難於安徽  
諡勤壯忠蛻尚未得歸



幼子吾嬌婿。詩書讀定多。性情新醞釀。頭角舊嵯峨。南國縈喬木。西風結翠蘿。寄詩君必笑。何事苦吟哦。

即目

一溪流水帶村灣。村外人家杳靄間。長怪碧雲吹不散。細看知是海中山。

白嶠駟

在甯海東南

白嶠東南部。烟闌數里遙。夕陽人倚樹。古駟路平橋。雨過溪添漲。天寒海暗潮。疏星忽在水。暝色更蕭蕭。

求友吟

雪門詩草

卷五

高日集

六

羣鴉噪庭槐。不如雙燕語。衆星羅秋霄。不如明月舉。幽窗待良朋。所貴知心侶。黃金高泰山。揮霍隨歌舞。昨日酒食場。今朝散如雨。豈無金石人。當前不知苦。蘭蕙混蓬茅。梅花雜枯朽。古交以澹成。風雲通肺腑。願斛西湖泉。洗目青相杓。

宿黃溪寺

夜宿黃溪寺。空庭浸月華。孤身懸海角。冷夢醒天涯。葉墜知霜重。天高任斗斜。杭州費惆悵。那復憶長沙。

登躍龍山

山有方正學先生讀書故址及呂仙閣  
白茫茫兮滄海之潮從東迴青濛濛兮台嶽之雲自西  
來登高長嘯秋日曉四山煙靄爲之開乾坤性情那可  
測何用弔古愴中懷當時正學先生讀書處古墻壞雨  
生莓苔不如沽酒醉高閣壺中日月如蓬萊颯颯碧髯  
洞賓老下視浮世如塵埃我來恰抱凌雲志願呼仙人  
同一杯

過桐巖嶺

天台有桐柏山桐巖嶺卽桐柏也有大小二巖

雪門詩草

卷五

蒿目集

七

由甯入台必經此嶺

天台山脉東南秀峰峰入目疑靈鷲緱城桐嶺不可階  
霜華落木秋岩秀小岩陰閉常淒風大岩陡峻懸飛溜  
琪草瓊花絕壁生仙人難采手雙袖纍纍山果不知名  
翠蔓縱橫飽颺颺滿徑松欒亂紅葉登臨已是巖冬候  
古洞迷離漢代雲豈有桃源通石竇一聲長嘯徹玉霄  
曠野看人小如豆嶺巔頽石作關若知是何年防狡寇  
洞天福地不得安我笑松喬休自狂何處武陵堪避秦  
淵明所說多虛繆君不見蓬山桃實廣寒桂曾經偷伐



難如舊欲將浩劫問彼蒼帝闕遐遠憑誰扣

塔山村莊

滿屋塵沙堆麥梗西風吹徹溪山冷古祠獨坐冬日長  
黃柳絲絲搖瘦影  
二三者老凍顏開扶杖歡迎拜綠苔自道海村荒僻甚  
卅年不見長官來

塔山脚事

冷冷華頂峯前水流入村前作大溪秋風無復桃花片  
白雲變黓溪之西日出雲開若然朗紅樹曉鴉飛復啼

雪門詩草

卷五

蒿日集

六

居民種麥及霜霽沙田叱犢仍青鞵林平地曠過客少  
祇緣前路高山迷山中舊隱梁王子六朝古事今難稽  
歲暮我生胡至此凍口冷風顏欲紫聊藉荒涼作壯遊  
休嫌身到天涯裏

由塔山還縣過菴下嶺遠眺

山高石峭古亭斜日暮人疲小駐車莽莽寒雲衝去雁  
蕭蕭落葉擁歸鴉西南駟路天邊樹東北田原海上沙  
莫道蓬萊足仙窟如今島嶼盡人家

采柏歌

柏古  
作楷

昨日天風寒。門前柏葉丹。今日霜華積。門前柏子白。干  
枝萬顆夕陽中。真珠蓓蕾珊瑚叢。前村後村競采摘。竹  
梯斜倚芙蓉風。歸來石臼登登擊紫金。颺颺玉脂滴。淘  
成華燭照誰家。莫辨歌筵與書壁。采柏人家夜索綯。自  
斫松柴帶葉燒。松枝燒盡黑寂寂。翹首中天望月高。

甯海漫興

隔斷西湖畫舫杯。寒雲何事傍天台。臨風欲寄梅花信。  
不到孤山且莫開。

岩壑崎嶇浙海東。丹邱古寺暮霞紅。黃金未就仙緣早。

雪門詩草

卷五

蒿日集

九

慚愧塵容對葛翁。

琪樹瑤華凍色殷。石梁泉水咽潺潺。西風吹冷胡麻飯。  
爭怪劉郎欲出山。

烟霞枕席謫仙遊。那識天台礙越州。欲倩夸娥移便去。  
平騎白鹿望東甌。

出行喜晴

北風吹雲生。風猛雲忽散。羣山插瘦碧。白日懸青漢。雨  
態正愁余。霽顏忽歡讚。穿林黃葉乾。渡水白石爛。峻嶺  
窮攀躋。看霞卷輿幔。霞邊排飛鴻。橫亘陣不亂。碧落路



脩長。豈畏金丸彈。呼之定不來。神遊同汗漫。我行亦有  
涯。何用愁歲晏。

鎮泉寺暮眺書感

古寺樓臺倚暮寒。海天極目一憑闌。凝雲凍碧和霞送。  
落日沈黃當月看。已覺疏鐘搖旅思。那堪華髮博微官。  
村墟野靄炊烟合。又是人家欲晚餐。

山行

黃松罩露篠浮烟。鎮日腰輿翠嶂前。風揭氈幘捎短髮。  
日穿璃鏡上吟肩。溪傍怪石蹲如堠。谷口歸樵醉欲仙。

雪門詩草

卷五

蒿日集

二十

村店偶停饒野趣。瓦壺土銼煮清泉。

海村

沙縈石繞結村莊。人立溪橋語夕陽。指點重洋在東角。

青山缺處白茫茫。

淨土寺

青霜刷野霜林墜。古寺高松落寒翠。老僧不管佛香消。  
午齋無事饒冬睡。

寺中夜坐

小住禪關又二更。木魚聲靜旅心生。霜巖佛座孤燈冷。

天淨寒星徹夜明。海曲無朋談世變。地荒何術治民橫。  
幽窗破紙含風語。似促羈人句早成。

寺壁懸李鐵拐像戲題

紅塵頓換碧霞天。跛足虬鬚闖苑前。但使黃金燒有術。  
不愁乞丐不神仙。

冬晴晚眺

谷口歸樵葉滿肩。霜催西日下寒天。川原渺渺行人去。  
村落閑閑暮鳥還。遠塢凝雲低過水。夕陽疏樹薄如烟。  
瘦詩吟就心情定。不識梅花逼舊年。

雪門詩草

卷五

蒿目集

五

淨土寺臘日曉起

僧寮曉色催人起。聒耳村前臘鼓通。天近殘冬霞半白。  
地偏東海日先紅。誰燒香粥供晨爨。且曳輕裘禦朔風。  
昨夜如鑷霜裏月。瀟湘應照水邊鴻。

健跳所觀海

古戍防兵在孤亭。海色收雲開朝日。湧潮動萬山浮淺。  
汐無番舶滄波受釣舟。土人南指道隱約。卽留求。

瑞相寺

寺在甯海東南

四山森石筍。小寺踞山腰。洞古流泉細。村低酒店遙。高



松多受日老樹不驚鷗林外僧三兩斜陽掃葉燒

出瑞相寺

曉披雲霧出山門  
茫茫不見前山村  
及到村中回望寺  
一白模糊了無痕  
錯疑天心欲釀雪  
豈知春意回乾坤  
露滴松枝作珠響  
一鳥穿沒如羽吞  
冥冥濛濛衣裳濕  
似雨非雨手可捫  
好景倪迂畫不到  
迷離一幅供詩魂  
詩成雲散天漸朗  
野店沽酒傾銀樽

嶺根山普照寺

松濤飛不盡壓寺翠重重  
一夜北風吼殘年深谷蹤門

雪門詩草

卷五

蒿目集

五

開臨碧嶂路轉出雲峯恍惚同天竺  
三年前曳瘦筇

夜行

絮帽狐裘冷夜行  
奚奴然火趁山程  
重雲低壓松林黑  
小雪潛飄麥地明  
野店燈稀門漸閉  
溪橋路滑馬頻驚  
客心無那閑閑去  
村柝何須問幾更

由古岫駟還縣

路出層巒島嶼開  
沙平石細柳隄回  
村連密竹清溪繞  
人度疏林細雨來  
回望西雲猶釜氣  
直看南郭見書臺  
方正學讀書臺  
天寒亥市爭喧集  
知是山城歲箭催  
在甯城南郭

梅林雨歇望香岩天門諸山

樹外橫青山。山外白雲起。雲外更高峯。縹緲炫丹紫。巒態難爲名。岩壑有無裏。長天一鳥去。翩翩爾何止。香岩與天門。模糊倏難指。橫側出奇新。開闔迷終始。不有松喬居。錦屏爲誰峙。青雲我欲梯。謝屐去前齒。

夏靜甫參軍來權縣丞以詩見示贈此

靜甫曾遊古北口

山城殘歲見詩人。槐樹新安老健身。白髮一官無祿米。黃沙萬里憶勞薪。雲迷桂樹天台暝。雪壓梅花海國春。此地荒寒誰破寂。清詞今日結君鄰。

雪門詩草

卷五日集

蒿日集

五

庚申年

方正學里祠

正學雖族而遺孤。冒余姓避雲間得免。今祠中尚有其嗣孫。

躍龍山霧黯黃昏。靖難忠懷聚寶門。筆札竟投丹陛地。麻衣應返故鄉魂。千秋文翰鳴孤鳳。同輩心肝歎一豚。局定燕京難遽挽。九原未報孝陵恩。

淮波不障北兵來。鎖鑰金川暗地開。共道削藩成禍首。早因負展老奇材。國師空欲留書種。義弟終教殉夜臺。



甘露靈芝杳何處。潺湲泉咽白溪哀。  
鐵鑪名刻魏尚書。曲護遺兒冒姓余。十族膏塗雖草野。  
孤忠血食自鄉閭。羣鳥朝賀君何處。飛燕城池社又墟。  
惟有清泉山尚好。我來勝蹟訪樵漁。

海蟹

亦自皤然大無黃。腹總空張螯如欲攬。肝目向誰雄。厨  
役薑芽紫。漁人斷火紅。傷生難適口。何事竭溟東。

人口渡西興

又渡西興駟頻年。是此辰。往來江路熟。俯仰歲華新。越

雪門詩草

卷五

蒿日集

二

壑深含雪。吳雲暗變春。東風應我便。不必畏朝神。

甬東舟中

扁舟甬水度新年。篷納東風萬里天。殘雪樓臺溪外樹。  
輕寒城郭海隅烟。潮生曉色浮鳧鷖。市靜春聲入管絃。  
似此樂郊情不願。夫差殉國究英賢。

閏三月初八將赴仁和任慰甯海諸父老

父老咨嗟歎相傳。鄧令賢名廷卅年無健吏。前歲果烽  
煙海闊藏奸地。春深易霧天。君來纔斂戢。那忍餞行鞭。  
念我原儒懦。從權尙重刑。此心誰與白。諸眼竟垂青。臥

輒情原重。銜杯酒又醒。栽桃須去蠹。爲語後來聽。

暮春誌慨

咸豐三年金陵告陷浙西戒嚴撫軍黃議守甯國至己未春提督鄧忠武戰死鄭魁士繼之講求營制壁壘一新繩怯去貪馭下過嚴誹語四播爲浙撫胡所劾奉命以周天受代之周賞罰乖方已失士心去年金陵官軍開長壕以困賊喧傳指日可復賊以長壕之圍甚窘蓄意圖杭以分兵勢而解圍乘江南借浙闈雜奸細於

雪門詩草

卷五

蒿目集

五

應試者中探杭形勢甚悉十二月忠逆李秀成率賊由六合渡江度歲於蕪湖疾趨甯國縣以犯廣德泗安周天受擁兵二萬餘困守甯國府城不能禦賊李定太戰於梅溪敗焉退走湖郡賊分股犯湖以牽我勢率大股由武康山路逼杭省二月十七日抵武林門省中無勁旅離使繆主堅守待援計都堂張檄米興朝由徽來援次富陽不敢進縱兵擄掠團民殲之數百江督何檄張玉良援杭舟過蘇州蘇藩王壯愍留之



飲且囑其先救湖州時署糧道何紹祺方出運  
聞警折回亟請張玉良援杭張乃率五百人由  
湖赴杭至三月初二日抵北關而賊已於二十  
七日卯刻轟陷清波門矣憶自癸丑暮春浙省  
旋警旋平士民習慣不驚避地外出者實少至  
是驟圍城破城中戶口二百餘萬人人知不免  
憤與賊鬪傷悍賊無算激賊怒下令屠戮尸骸  
填道路人馬不能行投水死者上中下三河均  
塞滿營將軍瑞謹愿人也外城陷將軍欲自裁

雪門詩草

卷五

蒿日集

三六

都統來存佐領傑純苦戰卻敵滿營得全時張  
玉良之兵逼城下賊見張字旂疑爲張帥殿臣  
頗錯愕且意在解金陵之圍張旣出則勁兵必  
分可以回撲又以浙省去金陵遠四面阻水儲  
糧無多湖郡兵轉戰甚悍滿營未破恐官軍斷  
歸路乃決意棄城走初三日張玉良入城報收  
復江督何奏謂調度之力出於王有齡請其撫  
浙內廷從之亦殊典也杭省旣復人多歸美  
於張玉良而不知以藉名成功也滿城不失咸

歸美於瑞將軍而不知來都統傑佐領之力也  
至杭城之失浙人羣咎撫軍羅主守不主戰守  
近不守遠御史奏撤其卹典而不知縱賊入浙  
咎實在周天受也留張玉良飲酒於蘇州促其  
援湖而遲其援杭之期則又王壯愨之偏見也  
城陷後撫軍羅及妻女均殉難闔門忠節不愧  
完人矣其由鄂藩擢浙撫時知浙兵不可恃乃  
奏調訓字營入浙意欲改絃易轍不可謂無心  
軍務矣逮訓營抵湖而杭州已先告陷此則撫

雪門詩草

卷五

蒿日集

三七

軍所不及料也雖使繆忸於八年衢州之勝恃  
才自用瑜不掩瑕矣然守城被戕歿於王事而  
王壯愨尊前恨亦請撤其卹典此豈厚以勸忠  
者乎夫古今成敗之分必追其由敗必知其所  
以敗勝必知其所以勝庶得失之林昭昭然耳  
今則悠悠哆口淆亂當時而當軸士夫又或以  
生平積憤施排扎於已死之黃馘一唱百和竟  
以私好惡淆定是非更逾數百年僅據文飾  
之奏報以相品題而徵信已無自矣

瑤 偶談時



勢入耳多逆不覺握筆欲爭爲作誌慨詩六首  
傳信秉公以砭浮議豈有所偏袒乎哉

杭州保障倚宣城八載供儲重鎮兵本擬外藩聯浣水  
那堪覆轍蹈留京雲霞東海迷旂色歌舞西湖沸炮聲  
恨煞宛陵餘問道忍教豺虎得縱橫

清波門陷遍城紅義勇家家巷戰雄敢死殊無羅綺習  
報恩爭効闔門忠淒涼憤雨錢王觀慘澹愁烟宋代宮  
五百餘年金碧地一朝灰燼付東風  
屢奏金陵指顧收可憐滄海更橫流養癰忍逼鄰封潰

雪門詩草

卷五

蒿日集

三六

受敵能無腹背愁勁旅空教馳鄂渚援師何事醉蘇州  
蒼生億萬疆千里縱使重完豈舊甌

來公英偉杰公勤雙馬衝圍氣不羣久戍八旗原禁旅  
堅持半壁保孤軍狂潮退舍弓彎月秋水翻空劍拂雲  
轉悵江南祥與霍祇留苦節答明君

風飄毒霧去來狂佳節重三日又光深賴吳興奠磐石  
更欣越國隔錢塘六橋煙雨回驄馬三竺雲山舞鳳皇  
料得餘氛難久踞臨安自古少儲糧

成敗英雄論總非莫將忠憤達黃扉封臣効命人誰諒

驕將登壇節尙揮。榛棘胥山颺鼠竄棠梨。岳墓杜鵑飛  
東南時事如棋擾。大局艱難淚滿衣。

閏三月廿四日視仁和事作

尋常三月難兼閏。今歲東風轉惱人。苦憶烟花尋舊夢。  
深愁兵火送殘春。西湖金碧燒痕禿。南宋河山血暈新。  
滿目瘡痍無術補。淒涼宦况敢言貧。

故人贈我菊花騮。學據新鞍牌骨愁。驕將無功新晉爵。  
迂儒守拙恥封侯。一椽破廨迷樓燕。繞郭荒田惱喚鳩。  
分付孤山鶴。休喚可憐警報又常州。

雪門詩草

卷五

蒿目集

无

捉船行

前人捉船行皆祇述民苦不知干戈離亂官與  
民同將帥有權甘心縱賊末僚受逼無計護民  
此詩之作非欲弭謗聊以愬愁耳

昨日捉船載兵去。防江說向常州渡。今日捉船兵更多。  
警信已到蘇州河。可憐兵去無捷報。可憐船去無歸懼。  
坐見茗溪霽水空。碧波明鏡織塵掃。軍令如山軍政忙。  
材官持箭來縣堂。腰上寶刀鮫珠鞘。高聲瞋日刀鏗鏘。  
馬頭無船胥役避。我身半夜來江塘。江塘人靜霜露冷。



青蘆綠荻路脩長。無船那敢入城去。將軍行期正倉黃。  
愁絕終無益。乃坐一破航。支河斷港肆搜攫。時見一葦  
烟中藏。問之云是避難者。全家老弱團一艙。此船那忍  
捉。淋漓淚沾裳。旁人東指路近海。海邊尙饑空。船在聞  
信鳴榔向此間。似有編郎歌歎乃。驟聞兵差將捉船。羣  
摸灘石搥船底。頃刻浮家變沈舟。風潮飄忽江神駭。且  
來白髮前致詞。非避官徭甘罹罪。今歲春風急羽書。多  
少鄰舟載犀鎧。昨聞船焚人被殺。家家痛哭相追悔。言  
罷雙頤淚欲流。三吳烽火幾時收。世亂民窮官亦苦。愁  
雪門詩草

卷五

蒿日集

三

波萬里海東頭

金陵失大營歎

閏三月二十六日金陵營潰張忠武退丹陽力  
戰不支躍馬入水死二十八日和春暨總督何  
同時出常州城留張玉良以守初一日賊抵常  
州初四日張玉良佯出戰遂率兵遁初六日常  
州失守和春退許墅關自盡於舟中張玉良兵  
至蘇擄民財而走遂退杭州十三日蘇州陷巡  
撫徐有壬死之四月二十六嘉興亦陷府教授

蔡兆輅訓導張詠死之蘇常百姓要殺怯將潰  
卒於路海沸江翻亂則均亂王壯愍奏云百姓  
寒心三軍解體以目前時勢而論斷無挽回之  
理覽之令人下淚

六年金陵失大營向帥撐住丹陽城十年大營如崩山  
和帥舟來滄墅關瑄瑄和帥尚男子憤極自向舟中死  
死後劫火蘇州紅殘兵無主各西東可憐壯士垂雙淚  
尚望桓侯來敵中那知國士無消息傳聞劍化丹湖龍  
十八萬藥甘萬餉時常州城實有此以茲資寇難回想雨花臺

雪門詩草

卷五

高目集

五

昨戰骨橫奔牛鎮上驚魂蕩從此陪都至武林毒蛟干  
里長來往

饑鳥行

蘇常失守難民紛紛來杭余請設撫卹廠於北  
關接待寺時烽火信緊議者恐奸宄混跡欲逐  
之余謂嚴稽查於收養乃允行無家乞食舉步  
多艱非得良司收張口向誰訴哉爲作饑鳥行  
姑蘇城上驚鳥飛吳宮火起無枝歸南望武林雲樹足  
携雛將母來斜暉口堵手捃毛羽瘁哀鳴似訴腹中饑



在風夜夜吹凶信。幾點昏鴉亂行陣。曉曉爾是異鄉音。  
不愁哺待愁瑕。釁此地居民。况被兵比屋。瘡痍方卹。賑  
餘梁。僅飽家鶩餐。遺粟非爲哀鴻吝。那知饑鳥終可憐。  
烟棲水宿啼向天。赤地更無螻蟻啄。依依日傍翳桑前。  
主人不忍飼以粟。繞屋悲感飛翩翩。我勸旁觀休惴恐。  
此中亦有慈孝種。亂世流離能保誰。長官須視民生重。

白衣仙人曲

庚申三月忠逆既棄。杭走六月四。眼狗仍率賊  
由臨安餘杭入寇。十九日賊從臨安去。時嘉興

雪門詩草

卷五

蒿目集

三

餘氛尙熾。中丞迎天竺大士。以筴卜之不吉。乃  
強迎入供奉。武林城樓爲作是曲。逾月由北關  
移供於吳山之伍公祠。次年杭城陷。大士像亦  
燬。

西湖楊柳新秋綠。白衣仙人出天竺。北關香氣濃。雲浮  
白衣仙人來。城樓千貂萬騎樓下拜。甘露浙瀝神旗幽。  
寶蓋亭亭覆蓮座。綉幔搖曳盤龍游。塞蘭菊以仰供。瓣  
心香而俯求。俾我黎元年壽永。俾我震旦妖氛收。浙西  
往昔艷佛土。普陀山峙海東頭。海波浩杳迷寶筏。曲罷

此立空夷猶

門牆桃李篇

金烽烟日逼攀緣日多羣枉有門巖牆是立天刑  
嶽嶽山地棘彼粗俗之桃李又奚以冀雨露之分霑而  
未師奔走形勢者不悟也廣張網羅者亦不悟也聊  
作是篇以告來者

野田長桃李雨露仰蒼天一旦蒙采掇乃植門牆邊  
文章通性命萬古風雲連奈何藤與葛榮華藉梯緣青蠅  
附驥尾瞬息里萬千旁門敞絳帳後堂聞管絃身隨珠

雪門詩草

卷五

高目集

三

玉進誼託金石堅皤皤白髮仰拜少年魚魚逢掖屈志  
馬鞭彊臣節鉞已如此武夫專閫滿喧闐君不見今日  
干戈擾吳越莽莽郊原迷白骨閭里方愁骨肉恩大僚  
猶講師生節吁嗟乎無鄉之社易爲豕肉無國之稷易  
爲求福無座之師易爲高足聊占乾肉得黃金那知錦  
繡湖山蹙

金華將軍詠

浙俗祀青蛙於湧金門東廟號金華將軍金華  
者青蛙之轉音也杭城克復後青蛙游奕於滿



城中旂民虔奉之。曠金建廟於滿營。適中地金碧眩目較湧金門。舊廟規模煥然矣。廟落成綠營文武俱來賀。所以從八旂之欲也。雪門子爲詠其事。

二○月○杭○州○失○夜○雨○窅○魄○嘯○三○月○杭○城○收○白○日○青○天○照○死○  
緩○忠○厲○未○附○祠○將○軍○且○建○金○華○廟○金○華○究○何○神○雙○目○如○  
怒○瞋○前○生○住○明○月○長○與○玉○蜍○鄰○飽○啖○白○兔○藥○鍊○此○黃○金○  
身○廣○寒○太○寂○寞○下○飲○西○湖○春○繁○華○釀○劫○運○武○林○吹○黃○塵○  
神○仙○避○劫○非○草○草○杭○城○雖○陷○滿○城○保○后○土○皇○天○定○有○靈○

雪門詩草

卷五

蒿日集

三

海鳥爰居識機早。鼓鐘俎豆祀將軍。那期士女爭迎禱。何以博神歡。雕梁雙龍蟠。何以洽神嗜。綠醪湛水盤。何以怡神目。銀瓶供素蘭。何以安神居。錦茵簇花團。神貺宜早甄。神譴愁大難。不求賜土田。但求佑平安。頂祝無日夜。騰沸來千官。捍患救灾果。何以善哉將軍無一言。

禮斗詞

下江巖不能解上江信又告急中丞禮斗於東  
圍徵諸人而諸將不肯用命禱諸天而戾氣或  
可潛消亦良苦矣

西垣上將無光。羽林垣壘空成行。幾時得見歸邪出。  
如雲非雲國吉昌。戟轅蘭夜窺乾象。牛女之次兵氣揚。  
焚香北向紫霄拜。七星上拱開珠囊。一星天鋒蔽我盾。  
一星瑤光資我糧。不願圖書耀奎壁。所願武備森天槍。  
憂心耿耿懸碧落。忠忱或邀帝扶匡。燭搖紅瓊笋爛。  
齋壇瑤席零青霜。河漸斜杓漸轉。啟明又出天茫茫。

弔石門令李枚臣

秋七月嘉興大營潰。總統江南諸軍之張玉良  
所統潮勇先與賊通。陣自亂。營弁携眷舟居者

雪門詩草

卷五

蒿目集

五

各護眷走河狹。舟爭水營亦亂。是以大潰。二十  
四日石門令李宗謨迎張於河干。請守石門。張  
佯諾之。半夜走天明。賊至石門失守。李宗謨死  
之。逾日賊仍退。嘉郡余遣人覓李尸。不得。李安  
化孝廉年七十矣。至是殉城死。亦何憾所憾者。  
末吏無權大員善走。時事日蹙。挽回無望耳。

秋出武林門。倉黃迎將軍。長跪問將軍。連營何遽焚。  
嘉興雖云敗。應保石門盼。石門有故人。白髮一官挂。城中  
無隻兵。庫中無片械。何不留將軍。遽聽杭州退。寂寂一



孤○城○西○風○草○木○兵○縣○官○無○權○死○而○已○將○軍○健○走○終○得○生○  
雉○離○於○羅○狡○兔○去○周○室○詩○人○知○此○情○

書事

秋○色○催○行○狩○。鑿○輿○出○熱○河○。曉○雲○黃○屋○重○。夜○月○翠○旗○多○。  
虹○挂○金○臺○樹○。風○驚○碣○石○波○。寰○區○饒○勁○旅○。貳○負○敢○尋○戈○。

科目歎

我○聞○田○公○撫○豫○宣○化○日○。故○與○科○目○出○身○人○相○難○。今○日○干○  
戈○逼○吳○越○。世○路○亦○厭○儒○生○寒○。毛○錐○瘦○削○逢○掖○單○。那○配○五○  
馬○雕○銀○鞍○。籌○餉○籌○兵○豪○俠○事○。文○章○無○用○古○所○歎○。君○不○見○

雪門詩草

卷五

蒿日集

三

咸○豐○庚○申○暮○秋○日○。浙○江○東○西○郡○十○一○。典○郡○何○人○科○目○出○

署杭州姚文塽監署嘉興邢吉甫監湖州瑞春筆帖  
甯波林鈞監紹興懷清蔭署台州龔振麟監金華王  
桐監衢州江允康監署嚴州曾承禧監  
署温州黃維誥附監署處州李樹監

辛酉年

清明前三日諸暨西嶺看桃花作

浣○溪○春○色○何○處○好○。西○嶺○桃○花○千○萬○枝○。未○及○清○明○出○城○去○。  
惜○花○來○早○花○應○知○。微○雨○初○晴○蕊○半○吐○。紅○雲○薄○薄○東○風○吹○。  
嫣○然○含○笑○似○相○識○。怪○我○綠○髻○生○銀○絲○。我○自○前○年○別○花○去○。  
囊○琴○深○入○天○台○路○。桃○源○仙○子○不○可○逢○。匆○匆○仍○返○西○湖○步○。

那知兵火劫杭州。六橋三竺都非故。寂寞桃花傍戰場。  
無人更問半山樹。瘡痍滿目一官難。奔馳竟把花期誤。  
今年重住苕蘿村。山城幽僻尋游趣。蕭瑟明知世路非。  
芳菲且入愁春句。愁春春亦不知愁。殷紅滿部開無數。  
得得青驄三月天。霞光依舊落吟韉。前村雞犬俱無恙。  
武陵是處皆神仙。

是日看桃花遂至西竺菴觀陳老蓮書蹟

桃花招我來山村。蒼松招我入寺門。寺在西山麓半  
開門。日日迎朝暾。殘僧三兩衲衣破。煇茗欸客傾甕罇。

雪門詩草

卷五

蒿目集

七

荒林古刹了無存。佛教常借文人尊。舊日老蓮讀書處。  
至今手蹟龍虬蹲。摩挲想見開國盛。前輩流傳風雨存。  
浮生幾人擅千古。竟以翰墨垂乾坤。愧我饑驅走東海。  
消磨慧業成鈍根。學儒學墨兩無就。連年祇爲衣食奔。  
今日閒遊對彌勒。欲借眞如洗塵喧。山花翠篠愜幽抱。  
峭石流泉蘇吟魂。欲歸不歸白日暮。出寺晚風吹衣翻。  
回首巉岩混天碧。濛濛雲氣自吐吞。

悲乍浦

三月初九日乍浦城陷都統錫齡阿死之



愁雲漲東海。連日吹不散。妖氛纏浙西。連年不可斷。禾  
城既。不。守。乍。浦。危。如。卵。杰。哉。錫。都。統。獨。戰。苦。無。伴。碧。血。  
化。怒。潮。萬。里。滄。溟。滿。甬。水。姚。江。一。葦。問。海。防。從。此。應。難。  
緩。

聞江山常山失守

正月侍逆由休甯竄婺源時恪靖伯以京卿督  
兵敗之於湧山賊遂由樂平以犯景德陳大富  
之軍殲焉左軍移樂平以要賊又敗之三月中  
旬侍逆竄入浙衢防兵潰江常遂失

雪門詩草

卷五

蒿日集

三

常山一經失。斷我江右道。江山一經失。閩浙各自保。軍  
餉軍書格不通。舉頭西望心如擣。八年春仲失江常。衢  
嚴金處同蒼黃。其時蘇常尚無恙。徽甯亦有防兵防。鄰  
封援軍旦夕至。一洗妖霧日月光。而今江南數千里。可  
憐盡化荆棘場。肆鯨橫海兮龍不可渡。飛鴉盤空兮鷹  
不可揚。手携長劍倚碧落。愁雲四塞吳天長。安得壯士  
挽強弩。使我浙東無侵疆。

四月

山城四月百花殘。試上危樓一撫闌。溪霧濛濛梅雨重。

江天漠漠麥風寒。近因軍餉籌絲稅。又報衢防走戰鞍。  
民力已疲兵未罷。可憐時事日艱難。

圍棋

觸目悲時事。邀人且著棋。綠陰春去後。碧簾酒醒時。  
黑白防多變。輸贏那得知。旁觀衣袖手。殘局共支持。

和詩

流鶯聲在樹。孤唱不成春。千古知音重。天涯道味親。  
應酬成雅集。徃復見天真。索和尋常事。同心究幾人。

贈金陵馬伯符

湘帆侍御之嗣也

雪門詩草

卷五

蒿目集

三

湘帆名御史。江左大文宗。弓冶承吾子。詩書有舊容。  
神駒期遠道。孤鶴出喬松。可奈逢時變。飛蓬少定蹤。  
自脫留都亂。飄零又十年。隻身於越寄。八口滬江懸。  
金粉長年夢。鶯花異地妍。小詩時示我。懷舊思纏綿。

立夏

茶蘼蕊醉晚風香。桐葉垂垂日漸長。飽啖櫻桃過立夏。  
不知人世換炎涼。

浣溪梅雨又愁人。重別瀟湘已七春。久客居然諳浙俗。  
青精赤苧入盤新。



王雨田都閩帶兵防蘭溪過暨贈此都閩名浮龍宣化武進士

矯矯猿臂面光紫。自述科名從進士。出身報國遂初心。不愛火攻愛弧矢。宣州殪賊憑一箭。叙勲當日無人比。此箭又解衢州圍。浙西安定四年矣。於今射法無人傳。於今軍法難重宣。連營重勇不重兵。億萬游惰荷戈鋌。士利無籍逃潰易。將利無籍虛額懸。上下交弊古法壞。此意誰奏九重前。可憐時事日岌岌。江北江南漫荆棘。清晨募士夕出師。五練三攻問誰識。指點軍中好年少。明朝馳赴蘭溪道。頗嫻紀律守軍容。不似他人多草

雪門詩草

卷五

蒿日集

早

草惜哉此隊無。多人未審浙疆共。誰保語罷輕身跨紫騮。浣溪微雨潤山郵。愛君服君飲君酒。我欲從君騎上頭。

挽龍游令龍書樓

諱森殿撰汝言子。三月侍逆入汀常。四月繞衢州南由靈山。以犯龍游守衢兵。聽其渡河十七日。陷龍游書樓死之。書樓先余宰甯海。善書耐苦而性傲然。友愛特甚。余聞殿撰之失職也。因忘帝字遭斥。時陳秋航殿試策內。聖懷冲挹遺

寫懷字仍得第一京師爲之語云陳子沆落懷  
及第龍汝言忘帝歸家有幸有不幸往往然矣  
詩中及此事因并記之

君爲殿撰之長子。流離作吏風塵裏。書法蒼遒有父風。  
性情傲岸無人喜。憶昔金鼇背上人。海風吹墮落紅塵。  
京師忘帝歸家語。嘖嘖人猶說舊因。詞客罷官無尺土。  
男兒奉檄爲家貧。常山初見問家世。剝落芝蘭實愴神。  
後來我作縱城令。君爲舊尹告我政。敝衣粗糲短椽居。  
清官不改寒儒行。水詞冷面掃春和。丹桂情知多烈性。  
雪門詩草

卷五

蒿日集

聖

果然今日殉賊死。地是龍游豈前定。我聞寇自三衢來。  
草鞋一嶺扼形勝。大軍不守守蘭溪。縣官最苦無兵柄。  
父職清華子職卑。地下相逢淚雙迸。

夜坐書感

自五月中禁  
星見於斗旁

遣愁消夏晚涼時。明月初生斗乍移。忽見欃槍殊悵悵。  
碧梧花下撤圍棋。

作示吳鳳池協戎

名再升

君前甯防稱健將。中調嘉禾挫威望。茲來浙東宜奮激。  
末路驕驩氣休喪。國家用武已十年。宿將囊橐餘青錢。



錢多身命往往重如君忠義應未然君居沅水洞庭西  
我居湘水洞庭東洞庭水澗波瀾肆一輪明月澄清空  
他時歸去好漁釣貨殖休學陶朱公干將愈磨鋒愈利  
能保初志方英雄胡爲乎浙將功績日以高浙中疆土  
日以蹙收回吳越舊湖山請君一洒從前辱

題吉安劉芻堂太守琴覓圖

落霞奏桑榆愛日不可留白露下蒿蔚寸草心已秋庭  
闌自古傷罔極難靜古樹風颼颼惟有孝思磨不滅手  
澤口澤俱流傳倚門歌蒸梨嗜不有曾參孺慕忱誰復

雪門詩草

卷五

蒿日集

呈

几筵知舊志選錢太守西江豪從戎五載佩容乃百戰  
河山桐盡爨九江烽火徑全蒿君恩未報知音少先澤  
能承舊德高解囊示我傳家冊一琴一覓丹青勞秋風  
浣紗石越地狼煙赤四牡駢駢周道馳不遑空悵勞人  
迹玉軫難操古調稀菜根欲齧餘芳惜當年膝下博歡  
心此日鐙前記疇昔移孝移忠總此心直教翰墨垂金  
石我亦西湖墨綬分秋霜春露感榆枌披圖且自登高  
望千里長沙見白雲

閱邸報知八月朔日日月合璧五星聯珠作詩誌

感

憶昔垂髫上學年。紫霄五緯聚奎躔。道光元年四月事。余以是日入學。那期璇紀書元盛。重見珠囊啟瑞天。私願但求兵氣戢。彼蒼應示帝符懸。一時憂喜都交集。俯仰西風倍惘然。

蘭溪官軍詠

六月張玉良携川兵駐嚴州進勦蘭溪兵與民鬪張大怒殺河西團民無孑遺衢州避難士民舟居蘭溪下游者同罹禍金華守程兆綸救解

雪門詩草

卷五

蒿日集

三

不得悲憤嘔血死

蘭溪官軍頗不法。戰敗歸來裹紅帽。白奪民財燒民居。將軍含笑誇勇捷。團民縱金截殺之。怒激將軍擐鐵甲。聲言擊賊巡岸西。百里烟燭灰轉曉。嗚嗚赤子數萬生。投尸江流付魚呷。童子灘中白石紅。將軍餘憤難平治。回頭轉見下灘船。避難携家半豪俠。千檣連接有輝光。銀花在籠珠在篋。下令偏裨賈勇登寶刀。過長槍過狹。頃刻諸船老幼空。祇留少婦充軍妾。還兵睦州大犒賞。半夜管絃聲拉雜。金華舊守程使君。爲民乞命叩頭泣。



亂兵斫之中幕友斑斑鮮血沾衣濕使君上訴悲憤死  
當軸咨嗟無語答強寇在門兵在人欲扶墜石恐重壓  
吁嗟乎獵犬不獵轉嚙人草間狐兔何時戢空使嚴陵  
瀨下潮至今悲咽無人涉

### 歎金華

金華居東浙之中城堅地險張玉良於四月十  
八日由蘭溪至金旋率兵去十九日城遂陷當  
軸檄文瑞兵由義烏往攻不戰自潰又檄吳再  
升米興朝兵赴勦亦擁兵不戰能無生歎

### 雪門詩草

卷五

蒿目集

七

食我金華腊又剝金華棗割我金華麥又剪金華稻春  
風去何疾秋風到何早不惜秋風早促戰令人惱將軍  
避暑方深居士卒納涼臥芳草胡爲乎金方帝子搖白  
旂驚我瑠戈眠未飽可憐金華山峩峩俯視列郡如掌  
螺南連桃嶺通溫處東由古剎達甯波蘭溪已絕三衢  
道方岩又連台岳阿腹背據形勝錦繡迷山河棄此不  
守將奈何失此不復將奈何攻此不戰將奈何

王雨田都閩戰歿於蘭溪之小方嶺詩以誌哀  
聞失小方嶺知君定不生孤軍當衆寇遺愛泣殘兵丹

日吳東耿愁雲剺北橫。緱城擒海盜。前歲憶同行。

錢江吟

錢江九姓傳出將官藉。漁爲名以色作餌。清時  
官闕從流忘返逮。及用武帳下仍歌逐水迷花  
是不欲戰矣作錢江吟

錢江千里饒烟霞。畫船吳姬彈琵琶。征人住船如住家。  
桐山明月富春樹。桂槳雙雙溯江去。爲君避潮君莫怖。  
潮頭如雪雪旋消。鐵馬金戈能幾朝。阿儂勸君解戰袍。  
夜深江霧開銀燭。照見船中鴛鴦宿。顏如桃花手如玉。

雪門詩草

卷五

蒿日集

望

此時無夢到家鄉。征婦樓中休斷腸。天荆地棘空茫茫。  
浙西從軍行

明月照錢江。夜深聞盪漿。漿聲雜絃聲。飛出烟波上。嫦  
娥覩顏色。知是千夫長。好曲開醉顏。一笑拍雙掌。鵬鸚  
伴鴛鴦。那復雲霄想。可憐壯士犒。暫作美人賞。  
海天秋氣涼。萬竈衣裳薄。回首思故鄉。雙淚迸珠落。應  
募辭爺娘。自謂從軍樂。軍功竟難期。軍令日教卻。挺身  
欲向前。瞿瞿火伴弱。將軍不挑戰。壯士將何若。坐看飛  
霜來。淒淒逼戎幙。



我本楚軍士。後來投鄂營。鄂渚已罷戰。乃作浙西行。澤國富羅綺。飄飄矯新晴。脫我大布重。著此秋羅輕。白馬何驕嘶。新繫珠絡纓。南關飲美酒。西湖市魚羹。北關登葛嶺。東海看潮生。何不操鐵弩。爲我射潮平。

疲馬無遠行。疲兵無鬪志。梁肉飽守犬。狡兔復何忌。神葵產西底。黑獷來荆地。舍舊新是圖。殷勤告我帥。期門深沈沈。我帥正酣睡。城守無外營。野戰無夜燧。頻年立功勛。孔雀飄飄翠。易兵不易將。軍政日憔悴。莫憚騎馬賊。馬從直道來。莫憚騎馬賊。馬行平地開。避

雪門詩草

卷五

蒿日集

吳

直有曲繞。避平有崔巍。浙地非沙漠。偃仄愁龍媒。旁刺與回殺。駿足奚畏哉。官軍失校練。臨敵鋒先摧。人智不如馬。令我心疑猜。

古意

愛蓮校書姿。藝冠錢江嫁。武將楊金榜。杭州圍。楊戰死。愛蓮不知何依。爲作是詩。

江中紅蓮花。花開落誰家。誰家年少子。白馬西湖裏。西湖非故鄉。相逢劇斷腸。斷腸結連理。遺我千端綺。紫綺裁作襖。綠綺裁作裙。裙花綉萬勝。郎今是從軍。軍中奏

鼓角賤妾不慣聞為郎歌琵琶明珠落紛紛可憐明珠  
耀嵌在寶刀鞘寶刀一朝折青春悞年少美人嫁將軍  
白首誰能料

聞杭州告陷書感

十一月廿八日杭州陷  
十二月初二日滿營陷

八月收安慶長江北漸清東南望康父朝野動歡聲浙  
事忽然壞杭城又告傾梅花那忍看雙淚日縱橫  
浙省餘糧少嗷嗷待外供長圍三月合絕粒萬家同滬  
瀆收洋米錢江阻颶風紳耆胡與趙空自效公忠  
杭紳  
胡光

塘湖紳趙炳麟由上海運米赴杭不能達

雪門詩草

卷五

蒿日集

七

一卒衝圍出中丞寄帛書開函千淚迸不食兩旬餘白

奏煩鄰省丹忱耿太虛自慚臣力竭遺恨越防疏王壯

知不守先以帛書募壯士賁出至上海請蘇撫薛代  
奏詞意謂杭不守由紹不守歸咎於紹紳王履謙有

臣死不瞑  
目之語

潮打西興畢回頭掃武林瘴雲滄海合毒霧一江深鞏

鼓含霜濕旂旂帶雪沈危城同累卵失計豈從今賊於

初四陷浦江進攻諸暨不能越乃繞富陽浦江交界  
之和尙店以渡臨浦陷蕭山九月廿九陷紹興而杭

勢遂孤然杭勢孤雖由紹興至  
紹之所以失則咎不在紹興也

江常春失險陸葵夏旋摧幙卷羣鳥集鞭搖駿馬回都



來顧根本。不出翦蒿萊。十頃錢湖地。連營何處開。李定

衢聽賊過而不擊。張玉良守蘭溪而不顧。金華饒廷選林福祥始棄蘭溪。繼棄諸暨。終棄紹興。羣率兵回

杭州以五六萬兵。困於區區之西湖。

桓桓張總統。血染御黃衣。一死前非掩。殘兵鬪志稀。弓

難鳴凍日。戈孰舞斜暉。太息江中艦。絃歌欲解圍。受總

南諸軍之命。故人稱之曰總統。異之也。賊陷金華時。張與蘭溪民團鬪。殺致壞大局。退至杭州。實能力戰。

札營饒頭山。我守城兵以砲擊之。死。惟城外將官桂廷芳當危極時。尚飲酒於妓船。

重任維藩寄。中朝宰相孫。病多常臥閣。寇急自當門。

薇署無餘餉。椒房有舊恩。少年殉節死。寶馬泣荃蓀。署

### 雪門詩草

卷五

蒿日集

吳

麟蕉圍為桂相孫以金華府請權署藩任。雖多病猶帶小隊出城搏戰。殉難死。諡貞介。

軍容千帳墨。血戰六橋紅。都統人傳傑。旂兵死亦雄。虎

林昭義憤。鐵嶺泣英風。成敗何須論。艱難闔室忠。傑純

次守城功。擢都統。被圍後出城與賊戰。殺賊於西湖之六橋。諡果毅。

衢郡兵難進。吳興勢竟孤。羅平妖册降。繡襦婦衣娛。已

見干支亂。能留伏臘無。狂瀾誰與挽。愁思滿江湖。道李

元度率援師至衢。餉盡道梗不能達。然杭城日日傳言。李至湖州亦不能相救。賊改干支以丑為好。卯為

榮亥為開。偽歷有閏日無閏月。

驅馬出門去。相逢怕浙人。鄉關勞遠念。禍亂問前因。東

海○難○填○石○西○湖○不○再○春○十○年○游○宦○地○欲○說○總○傷○神○

銀潢詠

銀潢垂象派。衍旁枝昏晦。數年春然。忽朗垣市。  
既清衆星拱。耀草茆仰。望欣喜可知。作銀潢詠。  
銀潢巨天流。倏忽烏雲起。初迷文昌宮。殺氣秋風裏。冥  
濛雨遂飛。渡河驚黑豕。清風塞上來。一洗三霄紫。皎皎  
明月光。金波共千里。朝野歌萬年。清晏從茲始。

雪門詩草

卷五

蒿目集

完



雪門詩草卷六

蒿日集

善化許瑤光雪門甫著

壬戌年

長沙春日

春風昨夜入長沙。佳氣蒸龍接曉霞。好竹移栽都護宅。  
名花先放總戎家。頻年用武征人貴。四海論材楚國華。  
安得東皇恩澤普。江南江北盡桑麻。

湘江望遠吟

吳用楚人謁其善戰節制失宜卒遭淪陷長圍

雪門詩草

卷六

蒿日集

不出生死難知君子于役爲以永懷作湘江望

遠吟

湘江楊柳嬌青春。參差雙燕啣紅巾。一朝雄羽天涯去。  
獨留孤雌問誰親。新雛太嬌小。喃喃令人嗔。黃鸝強相  
勸。畢竟非我鄰。湘江少婦捲珠箔。見燕因之思遠人。遠  
人遠別在何處。前年負劍錢江去。錢江中多比目魚。臨  
行囑寄魚中素。可憐去年一字無。紅樓望斷青青樹。今  
年人報失杭州。城中死者人無數。雲羅雖密有逃鴻。英  
雄往往蘆中渡。含愁不忍哭。淚向中腸注。火伴偶歸來。

殷勤探綠故舊時合歡帳今日蛛絲布坐對菱花不理妝樓頭日日數飛絮

五月朔日赴安慶謁節相滌生師時廬州新復

十五日官

不食家鄉粽於今已七年那期端午節又上下江船梅雨蒼梧重炎雲鄂渚連茲行休憚瘁梓里相公賢寄語江南燕飛飛好比巢徐揚歸禹甸淝水入周郊黃犢千村叱青貌萬竈號投鞭流可斷吳錮莫咆哮十載軍興後艱難濟楚材星懸南斗正漲卷洞庭開共

雪門詩草

卷六

高日集

羨生河嶽誰知擢草萊東征彙羣策吐握早栽培自絆西湖路春風背絳紗材甘同朽木鼎竟問梅花舉世長城倚微生廣廈遮曲江謀國苦多恐髻先華

偶書

去歲湖田沒民間米價昂今春梅雨少喜告麥秋黃楚穡三吳食民儲萬卒糧東南兵未息帝莫遣年荒日日薰風利舟行爽客襟卻愁高阜地已望沛甘霖漲落沙田澗雲生岳色深紀元兼紀歲默祝小臣心

舟中誌感



紅榴白艾逼端陽。簫鼓龍舟正斷腸。忽漫東游緣底事。  
回思西浙更蒼茫。雲迷天目官軍阻。雨濕桐江虜塞長。  
澎湃怒濤含碧血。應隨暑漲打錢塘。

忽驚虎穴出忠骸。尙恨流丹是處埋。精衛月明盤海角。  
杜鵑春去哭天涯。故人幾輩生還少。戍婦長年遠夢垂。

楊柳枝枯松鬣墜。六橋三竺總烟霾。杭城十一月廿八日

督學張錫庚處州鎮文瑞死之其遺蛻由藩司林福祥嘉道劉齊昂護出於正月二十六日抵上海署藩司麟趾臬司甯會綸糧道暹福候補道胡元博彭斯舉朱琦候補府豫立甘應槐仁和縣知縣吳保豐俱殉難十二月初二日滿城陷闔城自焚將軍瑞昌死之先是都統傑純巷戰死其餘文武死者甚多

雪門詩草

卷六

蒿日集

三

越國山河曉夢中。百年蕭瑟伯才空。會稽竹箭憑誰綠。

鏡水荷花祇自紅。那有金容求少伯。更無玉戚戮防風。  
青田墓木陽明宅。處處鴿鷓叫晚叢。軍興以來浙西土

水龍黨火銃黨金錢會動輒數萬人又有千人會百步黨或先時滋事或臨時迎賊俱可痛恨

痛絕吳興困久圍。經冬歷夏赤拳揮。援軍欲赴宣城隔。

協餉難通漚米歸。血戰三年眞報國。省垣重陷總危機。

故人楊許都官此。悵望蒼雲淚滿衣。湖紳趙景賢號竹生竹泉中丞之喆

嗣也毀家紓難保湖者歷三年矣杭城陷後十二月十九遂破圍其叔炳麟由滬贖濟之以米不能達竹生以書帛乞援於節相節相請鮑軍門派韋志俊唐仁廉由甯國赴援不能達烏程令甯鄉許承岳號柱

山南潯別駕善化楊然敬號

鐵星皆余舊友後均殉難死

昨得舟山海外書。孤城尚護萬家居。并傳夷艇乘潮進。已報甯城復夏初。旭日自然消蜃氣。迴濤能否靖鯨魚。寄言招寶山前月。羿矢休教落玉蝓。

聞四月十二日夷兵合舟山兵收復

甫波

撫軍萬騎鎮衢州。廣信雄師又上游。此日豫章屏障固。幾時羅刹瘴烟收。仙霞有嶺難窺閩。雁宕無峰不繞甌。深賴飽騰規進取。五羊權賦相公籌。

浙撫左駐兵江常江右撫沈駐兵廣

信閩浙制軍駐兵建甯朝廷派兩廣制軍者赴閩設防節相請內派大臣赴粵抽釐以充浙餉

### 雪門詩草

卷六

蒿日集

四

茸城雉堞逼淞濱。大舸峩幡駕火輪。已許絲茶通互市。何妨杖鉞誓髡人。皇恩浩渺無中外。鞞寄招徠早順

臣。籌餉籌兵當此地。權衡難易幾逡巡。

言事者請由上海進兵以規復

蘇杭奉旨交節相籌辦節相以上海之勢論籌餉則為要津論用兵則為絕地不如交好英法照會協

新政年來起老成。且兼不次擢羣英。繡裳夾輔風雷弭。

璇掖雙懸日月明。淮海已全歸禹甸。句吳畢竟隸周京。

攀龍附鳳諸君進。愧我蓬飄尚遠征。

春浦張石帆徐樹人潘木君皆起

用沈樸菴李少泉暨季高三中丞皆不次用劉霞裳以同知授甘藩劉松巖以知縣授蘇臬



湖中聞鐘

隔波何處鐘。敲破湖烟碧。鏗然絲雲開。驚動英皇魄。皎皎明月光。白墮蛟龍宅。萬籟已闐寂。孤聲懸大澤。客心何飄搖。恍聽鈞天夕。  
火輪船行。以火沸水以水激輪仍以輪行水由西而南而

雪門詩草

雪門詩草

卷六

蒿目集

五

青烟逐雲雲退飛檣竿劈風風濤開朝發扶桑夕若木蛟龍徙宅逃驚雷神工鬼斧仙人棹火輪船名以車行水憑

誰造昔年香港厦門游後來碣石天津到昨歲漢陽開

馬頭煌煌和約懸明詔綠眼深沈紺髮拳晴川閣下

泊殘照若非涇渭巫峽高秦雲蜀樹難藏奧南溟衝斷

紅珊瑚東洋碾碎明珠倒海排山犯蓬島琳宮貝闕

烟模糊奇淫應干造物忌毒膏浸入黎元膚何由鏤輪

使之斷江湖安瀾愜聖謨

登黃鶴樓作

十年此地三烽烟。仙人乘雲何處邊。於今江漢平風浪。  
仙人仍住高樓上。五月梅花鐵笛開。且傍仙人樓上望。  
闔苑蓬山會有期。蒼茫世界白雲移。喬松何事戀塵劫。  
可憐鶴翅黃襪。凌空請向蒼梧舉。芝草瓊花遍九疑。

過黃州弔鄂撫胡文忠公

去年桃花紅。黃州賊騎充。秋來桂花紫。賊去黃人喜。豈  
獨黃人喜。月明江漢歌聲起。那堪仙鶴唳高樓。提書報  
入中丞死。牙旂重建。豈無人至今。標下獨沾巾。

舟夜卽事

雪門詩草

卷六

蒿目集

六

江月如銀燭。江雲似碧紗。天風吹盪漾。永夜忽光華。照  
見前溪路。歸來小艇槎。鱗魚新網得。沽酒作生涯。

泊蘄水南溪驛聞戰船鼓聲偶成

扁舟晚泊蘄水清。娟娟水月明。更明兩。三古樹倚斷岸。  
倏然似有涼風生。涼風掠水鼓聲送。淵淵驚破蛟龍夢。  
知是長江舳板船。老兵閒作三槌弄。此時長江自在流。  
鼓聲猶似出征秋。十年教戰疾徐熟。大帥經營應白頭。  
憶我西湖曾作客。笙歌迷盡征人魄。欲持此鼓障胥濤。  
可惜錢塘江已拆。



晚泊

難耐江干暑。貪涼望日斜。維舟青草岸。恰有綠楊遮。暝色開新月。江波浴晚霞。歌聲何處起。茅屋住漁家。

黃石澗舟中作

日午舟停黃石澗。無風客怪篙師慢。舟中老媪識天心。指點當頭日光澹。強至中流浪果高。茫茫一白迷前岸。世間萬事貴先幾。搔首臨江發長歎。

過蘄州江中

江到蘄州束青山。出岸來盤渦。翻日月。絕壁鎖風雷。獨

雪門詩草

卷六

高目集

七

樹吳天直。孤鷹楚塞開。好乘長浪去。倚劍鳳皇臺。

涼夜

江濤疑驟雨。起視月當天。萬里碧雲淨。孤舟涼夜懸。疏星垂石壁。遠火出村廛。幽思無人覺。草蟲同不眠。

溪行

心共清溪遠。行行溪水邊。鷺飛疑白絮。鼈小似青錢。岸圃收桃日。沙田曬麥天。山童來濯足。暝色又蒼然。

卽目

白雲片片飛。隨風作波勢。雷聲東北起。滄江生雨意。羣

山屏障沈蒼茫了無際一嶺透晴光晶瑩吐活翠蕩漾  
過江來落我吟詩袂何當翦生綃收入丹青事

江中玩月

東山斜月射江波波面微風生輕渦有似銀花千萬樹  
倒傾地底奔珠河平看側睇雙目炫搖黃閃碧難捉摩  
須臾明月亭亭正碧天如水水光定蟾蜍不蝕蛟龍潛  
上下交懸兩明鏡清虛一氣透靈光幻影空花悟禪性  
我心塵芥洗何年圓機欲與嫦娥證嫦娥迢遙隔遠天  
金丹無術學飛仙且洗冰盤斟美酒醉煞江天邀月眠

雪門詩草

卷六

高日集

八

寄何昺潛

昺潛道州文安公之叔子其長子余之壻也始  
號子敬改號昺潛意在以潛自昺也初仕滇繼  
仕蘇旋爲浙省糧使庚申秋棄官歸楚卜居善  
化之小橋在榔梨陶真人祠之東北種花課子  
翛然塵外勸余同隱不獲相從然長途跋涉回  
首雲山此心不覺飄然欲往也

濂溪溪水清。生花傍君子。君子握珍瑜。光照岩廊紫。欲  
藏不遽藏。懷寶遊吳市。長洲倏麋鹿。西湖尚羅綺。重價



許連城躬桓在彈指君子不忍信曰余將隱矣抱璞歸  
荆山一棹洞庭水  
洞庭青茫茫乾坤洗高潔東風茁紅蘭處處飄香雪晉  
代陶真人茆屋湘西結君歸買碧山門對真人宅溪泉  
繞門流小橋隔塵轍把酒喚白雲讀書問明月招我欲  
我從兩心共怡悅惜哉塵網纏徂暑與君別  
別君仍憶君悠悠青天雲開雲寄高嶺驚雲江之潰吳  
塞何遼濶楚山何糾紛潯陽一回首仰見白鶴羣鶴鳴  
有雛和而余悵袂分寸心起結轡大地生濃霧此意向

雪門詩草

卷六  
蒿目集

誰語作詩通殷勤

殷勤贈別言耿耿銘肺腑渤海足波瀾吳越肆豺虎白  
日當天中珍戾驟難愈鷹隼脫羈鞴毋再投筈圍人生  
貴適志藜藿勝雕俎當今柱石臣舊時同學侶見時若  
問訊爲道老無補

過田家鎮懷塔忠武暨羅忠烈李忠愍諸公

西不見長江來東不見長江去四面雄山鎖怒濤舟人  
指點鏖兵處爲說咸豐甲寅冬元戎追賊來吳東舟師  
楊與彭陸師李羅及塔公金陵么魔膽喪落千尋鐵鎖

橫波中奪取，餘艘數萬隻。浮橋壓倒蛟龍宮，是時蘄州  
尚未下。北岸賊與南岸通，登高料敵敵勢猛。江山半壁  
烽火紅，舟師欲進遽難進。兩岸砲聲如飛蠶，皇威震  
蕩河嶽助深謀。定算來元戎，先日破水寨。次日由陸攻，  
犀甲用命不畏死。巨斧斫斷橫江龍，塔公先自北岸擊。  
李羅南進如飄風，賊知橋斷失歸路。頗以死拒櫻霜鋒，  
我師氣猛撼山岳。十決十盪無停蹤，鼓聲震天寶刀赤。  
千俘萬馘羅沙蟲，其餘挺險投絕壁。片片落葉洪濤衝，  
至今岩上紅心草。烈日照作戰血濃，南戰既捷北亦勝。

雪門詩草

卷六

高日集

十

紅旂報入天，顏融後來鄂。渚亦重，瓊江塹究竟爲我雄。  
我思塔公真勇義，兩臂自刺精忠字。一從特遇相國知，  
屢戰身先酬素志。四月收潭州，湘民得安寐。七月收巴  
陵，波靜君山翠。九月收武昌，漢江草木威名記。惜哉星  
落九江潮，狂寇未翦蓋。臣瘁公馬夙號烏龍駒，公死不  
作他人騎。卓立天骨知主恩，熒熒隔日常垂淚。可憐公  
之報國實以報知已，一點丹心感騏驥。我懷公績恨公  
往更歎知公良不易，同時李羅楚國材。讀書共誦青雲  
器，一死三河一鄂城。楚天萬里愁雲蔽，當今世亂尚未



平得公數輩治軍復何慮臨風搔首念古今英材亟與  
長城寄

過九江

天外橫蒼翠廬山遠見迎薰風吹客子五月九江城故  
壘漸生草三吳尚用兵溇陽萬里浪隨我亦東征

名城收百戰

咸豐八年四月李忠愍克九江屠之十月  
十二敗於廬江之三河死焉先是四年塔

忠烈容易五經春報

國英雄事舟師記憶真痛瘞寒

賊膽祭告慰忠臣可惜三河役重傷柱石人

湖口縣

雪門詩草

卷六

蒿日集

七

浩浩彭蠡湖高高湖口縣樓閣飛雕甍青瞰廬山面香  
爐白雲多半落譙樓畔遙見石鐘山昭忠有祠觀英彥  
貫濟世世亦需英彥一朝炳丹青正氣河山貫我來懷  
三忠蒹葭滿江岸徒倚不忍去楨壁斜陽斷滄江吼怒  
濤似語當年戰

小孤山

彭郎奪得小孤還霧髻雲鬢縹緲間祇恐西湖梅鶴怨

年來處士失孤山

彭雪琴侍郎刻詩孤山有彭郎奪  
得小姑還之句一時傳爲佳話

烏雲

烏雲不作雨。底事漫遙空。蔽日濃翻墨。攬霞偶送紅。勢  
原連瘴海。掃總望雄風。玉宇仍還我。相期明月中。

憚暑

欲招東山雲。爲我張大帳。欲呼西山風。爲我搖大扇。頃  
刻洗炎歊。清涼滿赤縣。一身固瀟灑。萬彙亦安晏。蒼天  
那可期。獨樂且謀戀。湘江雲麓中。一峽青楓遍。潺潺白  
鶴泉。晴天洒珠霰。赤日照不到。長年秋一片。去去結茆  
屋。悠悠謝時彥。

喜雨

雪門詩草

卷六

蒿日集

十二

浮雲載雨來。隨風入江船。潯陽一片白。不見廬山肩。震  
雷訇然下。乾坤疑簸顛。轟轟忽飛去。仍繞碧落邊。禾黍  
固生遂。肌膚亦翛然。炎曦卷何處。恍惚清秋天。來日那  
得計。且喜慰目前。

彭澤縣

堞繞頽岩似碧環。碧環缺處對孤山。停舟欲訪陶彭澤。  
五月黃花照客顏。

暮泊彭澤遇衡陽彭望南將赴雪琴侍郎營贈此  
我將萬里投知己。君亦東遊訪竹林。細雨相逢江畔路。



扁舟同繫故園心。潯陽波濶孤山鎮。滄海雲多落日深。  
得遇彭郎當此地。不妨烟水結清音。

長歌行寄葉青甫觀察

前年官軍復杭州。我時作吏錢塘遊。與君相見便心許。  
澄潭萬頃明月投。去年我飲浣溪水。君亦携囊訪西子。  
炎天贈我海甯瓜。清寒一洗胸中滓。那知管鑰浙東開。  
金華古洞生黃埃。談兵拍碎碧玉玦。憤時揮落珊瑚杯。  
兩人悲憤終無益。苕蘿山照烽烟赤。君遂携家避甬東。  
我幾一死膏鋒鏑。流離幸脫亂兵間。渡海生逢滬瀆灣。

雪門詩草

卷六

蒿日集

十三

戰血淋漓透重纊。故人憐我淚潺湲。悲來恨事填胸臆。  
吳淞楓落寒潮溢。手斫銀鱸不忍烹。坐看紅樹成愁色。  
僑寓洋樓聽漏鳴。西風夜吼燈昏黑。可憐申浦美人多。  
都是姑蘇舊翠娥。往日青樓成赤土。偷來海畔賣笙歌。  
感君邀我聽歌去。繡房銀燭飄香霧。一曲琵琶雁落沙。  
風塵似說都非故。窈窕紅顏奔走難。轉憐我輩同飄絮。  
君家五湖已無家。我家長沙隔歸路。覓得西洋貫月槎。  
雙輪直截白鼉渡。萬里江湖數日還。梅花正發瀟湘樹。  
登高回首五茸城。碧雲凍日知何處。邊書日報賊兵多。

寶山南。滙如潮。注節轅。整暇講收藏。書畫琳琅當軍務。  
危幕雙雙燕。子巢而君寓。此爲君怖。此時欲寄尺素通。  
滄海扶桑霧。隱紅果。然黃鶴樓前月。照見兩人心事同。  
武昌魚好君來餌。漢水波長我又東。舊日杭州襟上酒。  
如君亂後幾人逢。夜深重飲葡萄綠。相期握手對秋風。  
秋風來亦易。明月勾離思。潯陽江上發浩歌。離合悲歡  
憑此寄。

誌慨

疾鳥攫黃雀。貪饕固其情。雄雞鬪同類。毋乃空競爭。小

雪門詩草

卷六

蒿日集

西

人戒志利。君子戒喜名。喜名立岩岸。平地生崢嶸。黨禍  
自茲起。波浪宇宙傾。識淺多客氣。慮遠無驕矜。所以交  
讓木棟梁材始成。

東園梧桐枝。初栽不盈把。亭亭綠玉腕。能保風雨下。十  
載費滋培。濃陰蓋原野。頗恃枝葉長。參天勢揮洒。那知  
傾撓機。狂飈不相假。青雲變泥塗。壓及萬間厦。淺薄根  
固然。張大禍。應惹居高能。自裁古今是。誰者。

駿馬快欲舞。那識轅駒黃。圈豕飽芻豢。那知犁犢忙。宴  
坐發諷議。徒使行役傷。金閨年少子。搖筆生文章。咳口



陳道義。瞠目視羲皇。時勢日以逼。議論日以張。風塵鞅。  
掌輦苦心誰共嘗。孤木不成厦。孤花不成春。頽波萬里流。九泥塞江濱。坐  
見崩潰至。滔滔去無垠。傷哉豪杰士。一身空苦辛。白日  
照其膽。清風洗其神。顧步自高遠。轉令世俗嗔。不惜多  
怒。嗔所惜。胥沈淪。厝火方欲發。無爲眠積薪。

### 傷安慶行

江淮腹地交戰之區。人之流離地使然也。繪圖  
呈覽。不如長歌當哭。作傷安慶行。

### 雪門詩草

卷六

蒿日集

五

傷哉安慶。自被兵十年。田畝蓬蒿平。今年相公借我種。  
賜我黃犢。勸我耕青青者。苗不可食。秋雖有穫。春無烹。  
爲我運穀。減我糶。千艘萬舸來。楚荆膏澤降矣。智井竭。  
室中無錢。淚縱橫。歸來喚幼女。欲語心酸楚。飛絮化浮  
萍。生機辭故土。背人負女馬頭邊。指點船中是而主。前  
船後船去不休。離波萬里長江苦。

### 到安慶城作

時陝西告急多  
將軍分軍往勦

大江南北下一路瘡痍形。薰風吹城郭。萬里蓬蒿青。前  
壘接後壘。夜夜飛窺螢。新火間舊火。村村拾殘釘。縣官

僦破屋。故家鬻遺經。我來安慶省。正值江北甯。賢相念  
民隱。賑卹傾巒瓶。淮揚枯草木。沛然霖雨零。民蘇士亦  
奮。遂薄金陵垌。可惜陝事急。分軍顧西溟。桓桓多將軍。  
六纛不得停。兵氣轉西土。惱煞長庚星。蒼天爾何意。一  
醉胡不醒。試登白嶽頂。遙祝華嶽靈。休放妖霧出。凋落  
蓮花馨。鱗清渭水。那堪血戰腥。南京烟未散。西京雲  
又冥。惆悵古帝城。警報難卒聽。

買硯

紫綠兩端硯。摩挲幾歎嗟。端方誠上品。拋落出誰家。待

雪門詩草

卷六

蒿日集

十六

龔沉楠匣。驚看古墨華。相依過白髮。詩筆足生涯。

買畫

昔購杭州畫。重經劫火紅。携錢安慶買。好古幾人同。花  
鳥長春裏。山川一軸中。凝看神共遠。遙憶米顛風。

買爐

徽州遭破碎。流落古爐多。獅踞銅垂乳。龍盤水湧波。土  
華存舊暈。火候費新摩。慚愧天難告。憑君當切磋。

買書

寶區方用武。我輩尚求書。不改迂儒習。深憐古卷疏。幾



家思易米。長路欲同車。惱殺文瀾閣。於今虎豹居。

贈懷甯令曹西園

名光漢長沙孝廉

書生恥作風塵吏。奔馳苦受權豪氣。搜索青錢薄俸空。昨朝又失長官意。十年宦味我深嘗。此日回頭蹙眉際。今君作吏安慶城。何事紆餘嘯傲生。繞郭初迴兵燹色。公庭卻少叫囂聲。蓬蒿叢種甘棠樹。強項誰容廉吏情。君言相公求治急。痛洗官場千古習。手挽狂瀾報聖朝。餘散節儉刪供給。材官嗔怒青衣愁。我輩能廉深感泣。不有高梧寄此身。露華那許元蟬吸。瀟洒清風六合

雪門詩草

卷六

蒿日集

十七

聞江干白鶴忍饑還梅花樹下塵容掃。桃李庭前日月闕。劫後尚容仙吏樂。清時轉憶我緣慳。他年一部循良傳。好勵清名照字寰。

六月遇長沙李若蘭於安慶別後卻寄

好花○薦○烈○日○亂○世○宦○愁○余○失○路○同○爲○客○無○錢○尚○買○書○相○  
憐○生○白○髮○小○飲○餞○青○魚○回○首○瀟○湘○水○薰○風○負○玉○葉○  
炎○天○飛○鳥○絕○我○更○向○衢○州○赤○日○匡○廬○樹○紅○霞○彭○蠡○舟○山○  
川○歸○戰○績○烽○火○入○詩○愁○倘○奏○江○南○捷○煩○君○報○遠○郵○

江暮

遠樹上斜陽。扁舟浸晚涼。殘雲歸海碧。暑漲入江黃。烟  
潤蘆洲媚。風溫稻隴香。蒼然昏靄變。浴水又蟾光。

舟夜雷雨

疾雷聲落枕。猛雨力穿窗。旅夢醒今夜。孤舟在大江。乾  
坤同震蕩。波浪助衝撞。爲報垂龍道。澹臺仗劍雙。

大姑潭阻風暮感

南風滯我渡湖舟。湖上孤山對暝愁。落日漸深霞氣澹。  
長江不斷月華流。匡廬雲重遮鄉夢。浙水潮多悔宦遊。  
惆悵炎天行役過。好留詩筆寫清秋。

雪門詩草

卷六

蒿日集

八

望匡廬瀑布

流雲吐山巔。閒雲抱山腳。泉光穿雲飛。閃爍白龍躍。夕  
陽開孱顏。丹翠更交錯。雨撲青天來。虹向明湖落。悠然  
五老前。心逐還山鶴。

遇浙舊友潘菊屏由江右運餉赴皖

斜日彭湖遇舊遊。教人回首悵杭州。三年浙水君休問。  
一葉滄江我尚浮。吳越轉旋瞻上相。豫章糧運出東流。  
但令當事同仇切。薄宦蓬飄那復愁。

匡廬



連日潯江畫舫停。匡廬山對酒人醒。蒸雲上接垂雲白。  
遠嶺高橫近嶺青。祇見虹流仍瀑布。更誰虎嘯過溪亭。  
我來玉杖辭黃鶴。飽看吳天九疊屏。

夜舟

三更解纜趁風行。稍慰連朝阻滯情。殘月未生湖氣白。  
澹雲涼露過江城。

六月

征途阻暑不須嗟。六月江干景物華。清露引蟬吟碧樹。  
薰風送鷺入荷花。山過微雨生新翠。人在孤舟看晚霞。

雪門詩草

卷六  
蒿日集

九

最好烟波濯吾足。一篷明月伴詩家。

從軍苦熱行

一層布幙難遮暑。烈日欺人雲散午。健兒傷渴額頰紅。  
日夜呻吟作謠語。我身孱弱苦難禁。席地且發清風吟。  
千里黃蒿蔓白骨。那有瓜李清脾心。自古北漠從軍嘗。  
苦寒。那知南國從軍行路難。君不見今歲江南大營多。  
疫死。纍纍小冢葬沙灘。

營中挽歌

哀陣上  
將士

昨夜唱歌擊銅斗。今朝野殯酌村酒。戰血寒隨溪水流。

英靈怒逐西風走。可憐駿馬向人嘶。可憐寶劍被人携。  
著雨紙錢燒不盡。路傍狼藉和沙泥。豈惜慷慨爲君死。  
所惜蒼皇損壯士。征戰從來少萬全。哀歌慘咽驚鴉起。

懷璧歎

時有浙紳懷內府重寶獲咎者爲作是篇

前年航海泊滬濱。得見徑尺翡翠瓜。又聞祥符之朱草。  
涵生瑪瑙中鬚鬢。春碧秋黃無定色。夜夜光發胡買家。  
上有璇題標寶墨。下有詞臣揚天葩。奇珍蓋代驟難  
買。惱煞權豪空眼花。傳言此物出內府。山海孕吐森國

雪門詩草

卷六

蒿日集

字

華未識何時落人手。無乃典瑞官職邪。匹夫不合懷重  
器。以璧賈罪實禍芽。况昨蘇杭告淪陷。多少珠璧沈泥  
沙。人生玩物喪志節。天道概滿懲驕奢。藥石愈疾惡亦  
美。鄭環結怨瑜。轉瑕千秋至寶。究何物。詩書以外惟桑  
麻。洎刪經勘典寶。此意令我三歎嗟。

歎攜女

浙山深處畫眉多。一朝露跡遭雲羅。隱忍未觸樊籠死。  
襪襪竟投荆棘窠。荆棘彌天何處好。窈窕紅顏奔露草。  
鞭驅劍逼不自持。污泥宛轉明珠寶。自古被折多名花。



自古被擄多良家。妖雲掩月婦娥憐。苦恨青天少護遮。  
九月二日由潭石汪移營龍游城外之圭塘山。  
已掃河西寇。移營龍邑東。艱難恢寸土。轉戰對秋風。雲  
日旌旂耀。川原組練雄。專車終見戮。休倚會稽崇。

龍游大營重九

那有黃花傍戰場。才歌劍舞過重陽。營連東海開朝日。  
幙卷吳天下曉霜。愁說鄉關拚酒醉。喜無風雨逼詩忙。  
登高誤認龍山會。短髮應羞落帽狂。

附錄季高中丞和作

雪門詩草

卷六

蒿目集

五

萬山秋氣赴重陽。破屋頽垣戰戰場。沈叔難消三  
戶恨。高歌聊發少年狂。五更畫角聲催曉。一夜西  
風鬢欲霜。笑語黃花吾負爾。荒畦數朶爲誰忙。

楊石泉司馬和作

頻年馬上過重陽。幙府秋風老戰場。南顧尚煩  
明主慮。東征端賴楚人狂。他鄉紅樹愁今日。故國  
黃花阻十霜。卻喜生辰逢令節。題糕那惜爲書忙。

周壽山太守和作

衢州城外卽沙場。西去秋風比客忙。半載孤軍經

百戰一樽兩地各重陽。飛鴻蔽野天如曠。匹馬盤山夜有霜。仍擬登高尋勝會。不妨扶病作詩狂。

疊前韻紀述四章

元戎春啟定山陽。俯仰封圻瓦礫場。勁旅暫為江皖障。

雄心誓射海潮狂。艱難受命肩如鐵。慘澹籌邊髻有霜。

不為九重深倚賴。馳驅那蹴臥龍忙。京師謂中丞為小諸葛

十年浙事付頽陽。忍棄西湖作戰場。壁壘新從光弼換。

樓船不放呂嘉狂。威收怯將青萍水。氣肅羣僚白簡霜。

吏治軍容齊痛洗。破鋒吐哺讓公忙。浙事之壞由於收集潰將中丞痛為

雪門詩草

卷六

蒿日集

三

裁遣請付法者數人文吏亦痛斥其深染惡習者而吏治軍容為之一新

平生澹泊慕南陽。自種桑麻傍藿場。陸相新茶甘菲薄。

鄴侯煨芋足清狂。冰心舊映湘江月。鐵面嚴生浙海霜。

惟有餽賢兼養士。材官相望馬蹄忙。中丞取與極嚴嘗戲言他日我當謚

忠介然實不誣也

潘花小劫隳河陽。傷足偏逢郤曲場。已厄黃楊根尚活。

遭髻碧柳絮難狂。東南但使蘇霖雨。駘蹇何辭走雪霜。

他日平吳修紀載。鈴轅橐筆敢嫌忙。

同年鄧彌之觀察在杭受傷渡海達營不願再仕



請假歸觀贈此

重○圍○悔○作○宦○出○死○卻○求○榮○浮○世○真○難○說○高○堂○君○有○情○兵○  
纏○吳○地○久○夢○繞○武○岡○清○袒○臂○要○余○視○金○創○痕○未○平○

龍游祭礮作

賊○內○踞○金○華○外○守○龍○游○湯○溪○我○兵○屢○捷○賊○遂○負○  
固○不○出○無○如○何○帥○借○西○江○木○壳○銅○心○巨○礮○囑○余○

為文祭之因成此詩

硫○是○純○陽○產○硝○為○至○陰○精○陰○陽○互○薄○激○豫○奮○作○雷○鳴○能○  
使○山○岳○撼○能○奏○寰○宇○平○厥○德○配○金○火○兌○缺○交○離○明○我○軍○

雪門詩草

卷六

蒿日集

三

入○三○衢○誓○掃○兩○浙○清○米○賊○倚○金○華○外○負○龍○湯○城○義○正○屢○  
戰○捷○城○堅○驟○難○傾○西○江○製○巨○砲○遠○遣○材○官○迎○皇○威○百○  
神○助○護○送○沿○途○輕○鼓○豐○牛○刀○割○劍○淬○鶴○膏○瑩○矧○茲○霹○靂○  
手○紅○衣○賜○專○征○焚○香○告○天○地○虔○祭○來○中○營○蕩○蕩○烏○雲○斂○  
晶○晶○白○日○晶○一○發○錢○潮○退○再○發○吳○天○晴○乾○坤○昭○赫○濯○草○  
木○助○甲○兵○東○海○蛟○鼉○走○西○湖○魍○魎○驚○凱○音○奏○天○闕○應○  
受○崇○封○榮○繫○我○已○俗○吏○文○章○慙○鯨○鏗○祝○神○震○一○怒○當○輪○  
螳○敢○橫○祝○神○止○一○怒○垂○裳○告○武○成○走○馬○卻○以○糞○鑄○錄○早○  
歸○耕○

贈楊石泉司馬

羅忠烈乃受業師至王壯武李忠愍李勇毅皆同學友也

昔年師友半名臣。帷幙君猶作上賓。已把姓名通帝座。卻因艱濟老征輪。霜天策馬吳山曉。夜雨論兵楚澤春。酒罷捋鬚長浩歎。東南何日靖烽塵。

營夜

明月瞭樓高。元戎夜飲豪。停杯看捷報。移燭卸征袍。白露寒生帳。涼雲重壓壕。前途猶賊壘。避騎敢辭勞。忽聞吹短笛。帳下健兒歌。盛世從軍樂。涼秋旅思多。棲鴉驚堦火。征雁渡星河。爲有來朝戰。宵眠暫枕戈。

雪門詩草

卷六

蒿日集

五

襲敵師潛起。三更牧馬無。急風天黯澹。宿霧野模糊。踴躍先鋒膽。艱難報國軀。擒酋猶未曉。戰血滿衣襦。士卒秋多疫。殷勤帝詔詢。長年傷露宿。數語感皇仁。世釀東南劫。兵銷雨露春。夜闌瞻北斗。瑞靄繞勾陳。

病媪行

龍蘭未陷兵與民鬪。張玉良寃殺數萬將。陷之時賊與民鬪。旣陷之後賊又與賊鬪。收復之時賊與兵抗圍攻。至數閱月。戶少三男人。皆垂斃。作病媪行。



田○草○如○人○高○山○中○樹○無○鳥○巢○村○中○茆○屋○頻○火○燒○火○燒○  
不○盡○餘○枯○寮○中○有○病○媪○烹○藜○蒿○藜○蒿○秋○老○不○可○嚙○血○淚○  
啣○破○黃○塵○面○携○囊○乞○食○向○鄰○邨○鄰○邨○寂○寞○無○人○見○去○年○  
大○厦○連○青○雲○今○年○赤○壁○留○斜○曛○縱○橫○白○骨○纏○草○根○慘○澹○  
重○驚○病○媪○魂○

忽聞

吳○越○烽○烟○慘○未○收○西○風○一○馬○客○衢○州○忽○傳○襄○漢○橫○祆○  
回○首○江○湖○起○暮○愁○飄○泊○驚○鴻○應○北○渚○逍○遙○黃○鶴○尚○高○樓○  
武○昌○地○擅○東○南○勝○管○鑰○何○人○踞○土○頭○

雪門詩草

卷六

高目集

五

營中夜雨

北○風○吹○幙○作○邊○聲○寒○雨○蕭○條○戍○客○驚○怪○獸○欲○啼○雙○柝○警○  
孤○鴻○初○過○一○燈○明○雲○低○越○塞○旌○旂○濕○水○漲○蘭○江○戰○艦○橫○  
惆○悵○流○亾○當○此○夜○有○無○衣○褐○度○殘○更○

送江曉城宰蘭溪

曉城名紹華時  
蘭溪尚爲賊踞

名○城○猶○賊○踞○君○去○竟○何○之○兵○火○人○家○少○西○風○匹○馬○遲○不○  
堪○稱○仕○宦○應○爲○撫○瘡○痍○寄○語○雙○溪○水○澄○清○及○此○時○  
去○歲○兵○民○鬪○郊○原○白○骨○多○內○訶○招○盜○賊○浩○劫○釀○山○河○舊○  
事○人○難○說○今○君○道○在○和○定○知○同○井○守○相○助○保○煙○蘿○

十一月十三日魏質齋太守以偏師襲克嚴州詩  
以誌喜

錦峰繡嶺扼咽喉。勝踞吳山最上游。雪夜偏師斬關入。  
一聲鶴唳警杭州。

窮追直過富春驛。橫搗還登仙華山。在浦江西步隊不須愁。

道遠陣前奪得馬騎還。

定浙雄師轉戰精。今番第一復名城。紅旂報入剛長至。  
萬里黃雲擁玉京。

回憶桐江試吏才。洲前九里盡寒梅。乘舟欲借東風探。

雪門詩草

六  
蒿日集

五

劫後水花幾樹開

送陳小齋大令歸觀

同住長沙地。思親爾暫歸。殘年多雨雪。愛日自庭闈。彭  
澤孤鴻遠。吳天匹馬飛。到時應及腊。碧甕夜爐圍。

送聶璧田還湘募勇

一鞭駿馬懸鮫鞘。歸去湘中募年少。楚俗於今善用兵。  
東南將相角威名。浙中屢戰已奏捷。妖氛猶自擁堅城。  
堅城未下英雄憤。欲卷風雲助前陣。白雪紛紛犯冷行。  
山郵正報梅花信。梅花送客過衢州。楚水吳山此壯遊。



倘遇宜僚當五百。千金莫惜贈吳鉤。

題虞凱仲司馬看劍引杯圖

凱仲名紹南。湘陰人。曾帶水師復岳州。戰九江。茲從戎浙幕。

君家南臨洞庭水。笑指洞庭作春酒。醉看君山萬丈青。那知夜半蛟蚪吼。蛟蚪撼浪撼江湖。周處澹臺今有無。英雄不肯草茅老。手提寶劍雲中呼。初斬巴蛇齊展步。旋剗犀怪潯陽渡。歸來道過黃鶴樓。一杯聊爲仙人住。仙人指點海東頭。北赭南龕起烟霧。携壺仗劍過吳天。

雪門詩草

卷六

蒿日集

七

鮫鞞直挂扶桑樹。斫取扶桑作帚長。汜掃風塵下大荒。不知此願能償否。醒後閒看秋水光。秋水千金價難買。人生酒是尋常債。繪入丹青更有神仙俠骨無邊畝。我欲借君之劍分君杯。提携走上崔巍之高臺。破我連年鬱鬱之幽懷。招呼海上明月清風來。

營中冬至

鼙鼓聲停奏碧蕭。焚香下拜紫宸遙。始知野外過長。至聊使軍中識早朝。北極黃雲春欲動。東吳白雪冷潛消。肥冬轉憶杭州俗。惆悵梅花隔段橋。

偶成

一鞭繞路出山。破屋寒烟尚幾家。摩壘歸來天欲暮。  
匆匆下馬折梅花。

營鼠

連。邨。遭。破。碎。羣。鼠。久。無。家。喜。得。官。軍。駐。居。然。徹。夜。譁。倚。  
牆。成。洞。穴。逐。幙。作。生。涯。明。日。移。營。去。應。與。去。汝。嗟。

營中度歲

牙。旂。紅。颭。萬。燈。明。似。慰。殘。年。苦。戰。情。酒。後。健。兒。仍。出。哨。  
令。傳。佳。節。倍。嚴。更。東。風。入。幙。春。先。到。北。斗。橫。竿。夜。正。晴。

雪門詩草

卷六

蒿日集

天

組練自敦荆楚俗。手撚爆竹助歡聲。

年終內賞。御書來。東海紅雲驛路開。已許甌柑停例。  
貢。翻。傳。鼎。饌。養。賢。才。銀。刀。肅。隊。瞻。恩。典。玉。燭。排。筵。拱。上。  
台。我。已。十。年。成。俗。吏。代。書。謝。表。且。徘徊。

癸亥年

元旦

元戎營幙向東開。萬里東風入幙來。倚樹綵旂翻曉日。  
劈山轟砲啟驚雷。杯盤稍備吳中味。劍佩羣羅楚國材。  
共道紀年今癸亥。上元花甲運旋催。



知文百長寫春聯。倒插梅花布幙妍。各抱功勛談舊戰。  
更期捷報入新年。爐燒僞印賊印皆木質長六七寸香温酒座擁  
降奴笑拭鞭。都護總戎相賀問。昨宵守歲得毋眠。

初春出營偶步

怕見郊原白骨殘。躊躇久不出營看。那知楊柳溪橋綠。  
已斷蓬蒿村舍寒。跨馬探春緣客悶。圍城隔歲識兵難。  
山河非故東風舊。吳越烽烟取次安。

定浙東

正月初三日星隕營前大如車輪拍拍如鳥青

雪門詩草

卷六

蒿日集

无

熒照數里逾時始滅軍士驚訝莫辨災祥逾七日  
日蔣香泉方伯克湯溪中丞克龍游獲逆酋李  
尚揚等劉克菴廉訪克蘭溪各軍并進遂克金  
華洋兵効順紹興隨戲台州亦於先年經民團  
收復詔蠲租稅者二年浙東以清有觀象緯  
者云自軍興以來弧矢與天狼不對今年矢稍  
正射天狼賊滅有日矣東南黎庶翹觀武成而  
浙東先定實大局轉機也作定浙東一篇

癸亥正月哉生明龍游江畔妖星落似火非火撲地紅。

五更光射三軍幙。祥耶災耶始莫辨。無數健兒相瞋愕。  
那知旬日尙未周。龍湯戡定縛其首。遂復婺州與越州。  
浙東瘴霧砒然收。明月張燈度元夕。東風千里花光碧。  
舩艫兵船渡海來。長龍下泊西興驛。錢塘儼似天塹雄。  
越國河山奠磐石。甬口洋利轉運通。倉儲紅粟賑災窮。  
魚鹽麇集算緡足。飛芻絡繹騰花驄。鬼方効順免胄立。  
甘受節制趨下風。義士天台先響應。蠲租兩載。皇恩  
隆。秦望山崇會稽峻。青珉有幸銘豐功。元戎鄭重防後  
顧。皖南更調雄師去。擬淨黃山搗天目。不留旁竄深謀  
雪門詩草

卷六

蒿日集

手

裕川環岳立。起長圍。片甲隻輪截。奔路冀得蘇杭一鼓  
收。金甌永保東南固。橐筆從戎望武成。欲倚蘭亭書露  
布。玉節蜺旌下富陽。維藩開臬各勤襄。凌烟不許武夫  
繪。儒將勛名光太常。竹箭鱓魚先入貢。仰酬聖主倚  
元良。憶昨有人知保章。爲言和氣感彼蒼。夜來指余望  
南極。果然弧矢對天狼。

二月重至諸暨時縣城初復

兩三故老出破屋。五六兒童繫短禪。不記自家離亂苦。  
轉憐我面舊刀痕。



藏糧石窞被搜窮。田麥新經飼馬空。指點春風留活計。  
門前數畝草花紅。其草葉碎而花紅本樞以糞田者今則以之救饑矣

一自蘭江入浣溪。連宵寂寞不聞雞。迢迢官路行人少。  
細雨鴛鴦樹上啼。

相對桃花破昔愁。芒蘿山翠瘴烟收。浙東自此平安報。  
前日官軍定越州。紹興於正月廿六日克復

諸暨書感

依然浣水帶東城。轉畏桃花春色明。繞郭無家堪宿客。  
譙樓有鼓尚屯兵。殘黎相見還驚訝。此地能來已再生。

雪門詩草

卷六 高日集

三

怪煞兒童都衣白。頻年喪亂黯傷情。

二月廿三日由諸暨至金華運賑

羣盜春初退。殘黎待賑殷。金華多委粟。浣水奉飛文。山  
路深愁雨。荒城冷覆雲。饑夫難負戴。囊橐重頻分。  
橋傾行涉水。驛燬宿尋邨。經亂無完地。防兵尚閉門。淒  
涼春抱恨。寂寞夜驚魂。爲問如瓜棗。年來幾樹存。

二月廿六日至金華呈劉笏堂太守

金華爲侍逆。李世賢所踞。內造僞府。懸張珠燈。  
立典珠燈官中。積粟十餘萬。侍逆既歸。援南京。

守之者爲劉逆政宏金湯龍旣復劉逆被擒其  
餘粟均爲我得時我軍餉米告匱獲此士馬騰

飽浙中大局之轉全恃乎此

一○日○遽○失○金○華○城○可○憐○遺○憾○前○年○夏○一○日○竟○復○金○華○城○  
今○年○捷○奏○上○元○夜○官○軍○乘○勝○清○浙○東○大○帥○含○笑○當○春○風○  
奪○獲○委○粟○十○餘○萬○有○檄○散○濟○災○黎○窮○運○賑○我○來○僞○王○宮○  
瞥○見○畫○壁○紛○雲○龍○千○村○萬○落○盡○焦○土○宮○中○尚○挂○珠○燈○紅○  
臉○削○民○膏○恣○荒○宴○上○帝○豈○赦○貪○狼○雄○吉○陽○太○守○仁○孝○子○  
一○官○初○服○來○居○此○烟○花○已○散○入○詠○樓○明○月○重○照○雙○溪○水○

雪門詩草

卷六

蒿日集

三

溪水東流出睦州浙西郡縣未全收  
內廷密詔圖杭省接濟軍儲資上游  
借問名城來保障民生國計若何籌

難民行

被擄遇難豈民甘心乘間脫逃求生於死官兵  
遇之慎毋寃殺以邀功庶祥和召而禍亂可平  
作難民行

蓬頭鵠面腰纏草手扶竹杖荒山道  
山路崎嶇荆棘橫十步九卻無定程  
連宵露宿破廟冷連日涉河春漲生



沿途何處有食乞。但見白骨無人聲。東風休作惡。欺我  
饑軀弱。春雨胡太多。泥濘愁吾腳。深恨當初避亂遲。林  
深箐密避騎知。擄入城中遭禁錮。不見青天見妖膽。  
碎心寒始脫歸。急遽難將死生顧。家有老母未知存否。  
幼弟。煢煢尚被羈。守茆屋已焚。那堪回首明知回首更  
無家。且得歸來伴鄰叟。憑君休問難民行。眼枯無淚洗  
面垢。

阻饑行

賊所過所居不留完物。雖經克復而室無粒米。

雪門詩草

卷六

蒿目集

三

野無寸草。父母兄弟妻子相對饑餓。無可逃荒。  
地真奇荒也。第饑易爲非。古今恒轍。自嘗兵苦  
甯死無他宇宙之元氣。遭剝民心之信義。常存  
作阻饑行

啜草草已盡。望麥麥未黃。阻饑不可耐。悠悠春日長。日  
長無所去。徒倚門前樹。青青榆樹皮。我行剝作糜。皮盡  
榆亦死。人饑無已時。慙媿雲中鶚。饑能攫黃雀。相彼梁  
上鶯。饑能啄沈鱖。弱肉飽強腹。恃力非吾謀。茹苦度荒  
亂。自分填深溝。昨日入東市。路逢縉紳子。探懷出寶珠。

易米無人理。自道南阡北陌田。於今都沒蓬蒿裏。

摘麥歌

麥熟始食自能耐饑。然剜肉醫瘡。迫何能待作摘麥歌。

年年嘗麥待麥熟。今年食麥麥初綠。小娘携筐摘麥頭。一摘再摘供朝粥。穀穀鳴鳩隴畔愁。逐逐饑鼠倉中啾。未到登場先入腹。辜負南風四月秋。他家有麥田中盡。我家無麥空淚流。

飼蠶愁

雪門詩草

卷六

蒿日集

五

有桑無蠶有蠶無具有具無食男既廢耕女亦廢織作飼蠶愁。

戎豆花開蠶事緊。鳴鳩戴勝聲相引。共道新絲足救貧。那知蠶具遭兵盡。坐見桑芽日日青。小姑無事空愁窘。銀簪被人拔連歲。不梳頭銜蟬何處聘。饑鼠聲啾啾欲。唱迎神曲棗糕難。遽謀四月不成繭。五月不成綢。况復厨娘告炊斷。蠶不愁饑人自愁。

荒村歎

勝地多殘深山轉。保興廢剝復觸目在茲作荒。



村歎

種○莫○種○城○邊○樹○頻○年○戰○伐○人○先○鋸○居○莫○居○官○路○村○一○朝○  
兵○燹○瓦○無○存○危○牆○葉○似○帆○立○夜○雨○滴○瀝○生○苔○痕○村○前○  
古○廟○更○何○有○但○見○石○獸○落○日○蹲○紫○燕○飛○來○尋○舊○宇○淒○涼○  
春○色○更○誰○主○白○竹○黃○茆○忽○數○椽○知○是○殘○黎○鬻○清○醕○昔○日○  
朱○陳○居○昨○寓○馬○流○戶○崔○巍○華○屋○成○荒○村○俯○仰○寒○烟○悵○今○  
古○

聞布穀

布○穀○真○無○賴○春○歸○不○住○鳴○可○憐○爭○戰○後○白○骨○幾○人○耕○

雪門詩草

卷六

蒿日集

三五

錢江歌

華人借用洋兵洋兵仍雇華人習洋法制服洋  
衣冠由甯而紹而杭我民既日親外國彼族亦  
日入內地矣作錢江歌

錢江東岸蓬萊驛○防江尙駐重洋客○錢江西岸是杭州○  
二月官軍薄上游○請將羽扇畫江流○自陳戰艦壓潮頭○  
何人結束花綠綢○華言夷服相對愁○胡不驅歸海隅休○

四月廿五日姚文波典孝廉錢伯鍊錫秀才饒行

於姚江埠作詩紀事

我來諸暨撫瘡痍。西嶺桃花紅正吐。那知桃實又登盤。  
斷送春三成夏五。客與東風共去留。浣溪梅雨送行舟。  
順流舟疾挽難住。奈君鵲立江之頭。分付篙師爲君泊。  
立語斯須究何益。明知無益難忽。然綠樹陰中敲離席。  
席上新桃瑪瑙紅。感君厚誼置懷中。明朝相望蓬萊驛。  
莽莽稽山雲數重。

山諸暨至義橋舟中

江樹圍深綠。荒村漸有烟。寂寥過首夏。離亂已三年。驛  
斷雲橫壘。隄傾水入田。麻溪梅雨漲。迎我下灘船。

雪門詩草

卷六

蒿日集

三六

舟中有懷

溪外白雲凝樹低。青山浮出白雲外。扁舟曉起披清風。  
縹緲神與雲山會。我有故人居越中。兩年離亂不相逢。  
知在青山白雲裏。蒼茫無地訪行蹤。

遇老僕

不堪老僕賊中還。赤腳蓬頭滿面瘢。總道主人能豢養。  
那知宦味日辛艱。軍儲火急停官俸。冠蓋雲流易舊班。  
行矣別謀生計好。我將湘上買青山。

蕭條



賊過如蝗過。蕭條吳越空。蓬蒿春雨碧。瓦礫夕陽紅。驛路朝驚虎。村墟夜撼熊。更爲生聚計。奚止十年功。

到越州作

春風捷奏浙東收。四月鳴橈到越州。不信洋兵皆繡襦。卻看僞館尚雕樓。孤城抗節悲前守。航海來歸遇舊游。畢竟相逢有今日。莫將滄海說橫流。

書感

無權空憾失名城。不死重看浙水清。那有微勞酬聖澤。偶因餘愛保殘生。雲開越郡山樓見。潮落錢江海日

雪門詩草

卷六

蒿日集

七

明竹箭會稽仍入貢。賴誰玉戚賜專征。

登采戢山遠望

草荒石塞破亭留。亂後登臨不當遊。雨過青山仍牧馬。春歸綠野苦無牛。越王事業江湖捲。晉代文章曲水流。怕向西興屢回首。愁雲慘澹尚杭州。

由義橋舟中望玉皇山書感

世事頻年變。名山終古蒼。玉皇如舊識。正位尚離方。綠霧西湖歛。紅雲東海長。峻天作杭鎮。勞我隔江望。

瀏陽黎桂舫深於易學。宰甯海因失守。出塞詩以

慰之

劇冠孤城陷淒涼萬里行出關休抱恨寰海漸澄清  
定花偏落雲開雁自征爰占朱紱困註易恨生平

打馬熊歌

狂風吹折會稽竹六陵木拔冬青綠山陰道上行人辱  
喧傳馬熊食人肉昔年浙東夷火燒越州訛言三足貓  
今年洋兵且効順盛世豈容豺虎驕騶虞在囿麟在藪  
服不禮訂元公朝窮奇檣杪放四裔而此胡勞強弓操  
洋兵賈勇出城去前禽願効三驅助飽醉村醪夜始歸

雪門詩草

卷六

蒿日集

三

借問馬熊不知處

洋兵行

借兵於洋亘古勅局貪利策功以杖扶幹滬濱  
開先浙踵其轍濱海習慣咄咄稱奇然羈縻有  
權亦足奏效越州既復法國兵頭德克碑感宮  
保威德願隨攻富陽自禡夷服服我冠履宮保  
命寫條約聽我節制始許之乃親赴嚴州拜受  
約可知非族心異終貴自強作洋兵行  
噫歎西洋乃中華之敵仇搖動五口波橫流一經招



撫○郤○助○順○協○守○滬○瀆○春○復○秋○人○言○滬○瀆○紛○洋○樓○金○碧○珠○  
寶○高○山○邛○英○法○詭○俶○畏○賊○劫○拚○死○叻○我○實○自○謀○吳○地○連○  
年○變○滄○海○獨○此○一○角○如○綴○旒○吳○劫○尚○未○弭○越○國○烽○烟○紫○  
孤○懸○一○舟○山○遠○隔○重○洋○裏○甬○江○北○岸○數○夷○酋○逼○近○封○狼○  
圖○奮○起○英○夷○束○綠○巾○峩○峩○駕○飛○輪○法○夷○裹○五○色○兩○袖○金○  
縷○新○夷官袖盤金縷視紅○褐○齊○腰○當○黼○黻○禿○馬○辟○易○無○  
傍○人○千○鎗○萬○礮○同○聲○發○精○妙○火○器○殊○少○倫○隨○我○華○兵○掃○  
甯○郡○四○明○梅○雨○洗○飛○塵○舜○江○慈○虞○以○次○復○西○風○吹○渡○曹○  
娥○津○紹○興○之○復○彼○何○力○金○華○戡○定○賊○自○奔○要○功○倚○勢○索○

雪門詩草

卷六

蒿目集

三

犒○銀○蕭○瑟○城○市○如○荒○村○縱○得○駒○戎○犄○角○助○轉○乞○花○門○勢○  
面○恩○老○成○謀○國○操○勝○算○德○感○威○收○互○羈○絆○昨○赴○嚴○州○謁○  
大○營○侏○僂○頓○把○冠○裳○換○銀○青○箋○紙○寫○佞○虛○條○約○重○申○駭○  
流○汗○純○纈○金○犀○付○舌○人○免○冠○下○拜○期○門○畔○自○睹○王○商○識○  
漢○儀○似○悔○從○前○太○驕○悍○願○効○前○驅○舞○巴○渝○於○千○萬○年○作○  
外○扞○兩○浙○官○民○盡○歎○嗟○頻○年○海○國○貌○中○華○今○日○拔○刀○都○  
慕○義○赤○心○幾○欲○表○丹○砂○無○乃○忠○勤○感○荒○遐○偵○羅○郡○縣○予○  
爪○牙○請○君○先○擬○平○吳○頌○再○圖○王○會○獻○天○家○

題湘潭李伯初

光瑩

司馬讀書秋樹圖

與君同住離騷國。芙蓉攬桂秋興長。墳典邱索楚人讀。  
仰看南極輝文昌。君今所讀是何冊。無乃韜鈴開珠囊。  
西風昨入嚴陵樹。山水清音和詩句。虎帳宏開霜氣清。  
營壇也當書城住。萬里秋光入卷來。埋頭矮屋終何趣。  
我欲金石收殘編。東南文物今重鮮。買山他日貯圖籍。  
繞屋扶疏懷古賢。

仲秋卽事

時富陽於八月  
初八日克復

庭前古桂不開花。冷澹秋光悵口斜。忽報名城收富渚。  
擬將吉語寄長沙。中興有佐欣扶運。王事羈身敢憶家。

雪門詩草

卷六  
蒿日集

早

一片涼雲新雁語。頻年人在海天涯。

聞十月二十五日李少泉中丞收復蘇州

金陵去歲合重圍。馬踏西湖秋又肥。吳越定全還版籍。  
蘇台况復振軍威。更新壁壘勞籌畫。依舊洋兵異指揮。  
三載故宮麋鹿跡。百花洲料有人歸。

題張韻梅秀才越游草

韻梅以詩來謁內有效同谷七歌第四章云哀  
師哀師我家駒髻年頗與羣兒殊一朝割棄爲  
賊驅箭衣帕首紅羅襦暫離不忍况永訣阿母



禱祝形神愚嗚呼四歌兮歌太苦望汝歸來立

門戶情詞淒惋得杜之骨愛不釋手因題其集  
杭州歸未得飄泊越州居思子常垂淚依人且讀書一  
江愁夢隔破屋世情疏何日平吳頌清詞放玉琚

哭張存吾同年

原名相松  
改名瑩

連歲浙東疫君胡觸疫來秋風孤館病異地幾人哀迢  
遞懷湘土淒涼莫越醅同年此間少誓爲送君回

送江夏孫子霞

蔚

赴舟山僑寓

干戈吳楚阻征鞭家寄東南海外天久客未歸黃鵠渚

雪門詩草

卷六

蒿目集

十一

殘年猶上白艫船蓬山凍雨迷孤驛甬口寒潮接晚烟  
惆悵白雲定回首東風應有捷書傳

贈唐雪舫

廷綸

廣文

雪舫杭州進士自請改紹郡教授厭杭俗繁華  
買田居紹逮經離亂杭閩多流離失所唐獨安  
全識亦超矣

少年嬉游西湖濱中年買田鏡湖側晚年遭亂荷安居  
爲避繁華計終得杭州自昔羅綺嬌歌樓舞榭亘雲霄  
清時官闕久高少昨經兵燹彌蕭條惟有越州稍古樸

一江之隔分滄澆。自古桃李難連朝。自古蒼松常後凋。擇里處仁同遷喬。君不見唐君宦冷性亦澹。居家足爲浮薄標。

贈諸暨吳沅芝叟

深山讀書七十年。白雲流水身瀟然。那知臨老遭離亂。雨雪天寒餓市廛。孤松受壓枝逾翠。輾轉未足爲心累。放眼乾坤脫羈縻。落落賢豪眞幾輩。贊我舊政品我詩。願爲校字令我佩。嗟哉時士多疏狂。雕蟲誤認爲文章。旣以燕石淆璋璧。轉將鶡鳴笑鳳皇。如君蘊藉世誰有。雪門詩草

卷六

蒿月集

望

蒼顏白髮流謙光。抱負久與時俗異。儀容卻將圭角藏。器愈宏深心愈下。千秋古鼎埋風雷。請把出處較得失。巍科眉壽誰短長。

斯敏齋秀才急欲謀仕詩以阻之

讀書固自好。急仕究何心。况有庠田在。諸暨人家各備。爲子而居太白深。南亘數十里。雲烟猶上古。烽火隔。孫勸於今育德須時會。非云闕玉音。

受海昌降詠

十二月二十一日海甯逆酋蔡元隆以城獻蔣



香泉方伯由蕭山渡江往撫其衆桐鄉酋何培  
章石門酋鄧光明相率乞降我兵合蘇兵以攻

嘉興杭賊大窘

浙○兵○攻○杭○猛○且○精○蘇○兵○攻○禾○縱○復○橫○海○昌○逆○酋○畏○威○懼○  
兵○未○臨○彼○先○獻○城○方○伯○受○降○截○江○渡○朔○雪○正○壓○龕○山○樹○  
呼○酋○夜○與○同○幙○眠○示○以○赤○心○感○而○懼○遂○收○桐○鄉○搗○石○門○  
杭○嘉○各○自○成○孤○注○雄○師○靜○駐○秋○濤○宮○朔○風○搖○曳○旌○旂○紅○  
居○民○安○臥○脅○從○散○恩○波○洋○溢○東○海○東○今○年○蘇○城○以○降○得○  
卻○殺○降○酋○除○反○側○老○成○心○定○有○權○衡○究○讓○此○舉○兼○威○德○

雪門詩草

卷六

蒿日集

望

重○門○洞○開○告○爾○知○能○拔○來○歸○安○樂○國○

客將詠

浙事之壞始壞於借將而不自求良將繼壞於  
收集潰兵敗將而仍不別求良將不知客將多  
豪難以節制往返道途無益軍務追維往事作  
客將詠

寶馬何處來○云是江南營○紅旂表姓氏○筆畫勢縱橫○右  
傍書官銜○勇爵繙繹清昂昂○入節署○小隊衣鮮明○高坐  
叙舊戰○戰戰有威聲○朝廷紀我績○草木知我名○今赴催

援來奔馳作客兵。長途已數月。小憩候新晴。明朝接偵報。烽火過宣城。蕪湖又告急。飛機回南京。叙功列優等。重謝此邦情。主人賀賊去。客將尾賊行。長年走道路。未暇與賊迎。

### 孤臣怨

王壯愍撫浙時。襄理無人將。又不用命浦江圍。時鎮將文瑞不出城。紮營壯愍曰。杭州去年之陷。因不紮營。故今復如此。豈真氣數使然耶。使之出紮。終不從。浦江陷。各將節節退縮。壯愍遺

### 雪門詩草

卷六

蒿日集

四

提督饒廷選書云。既無米復無餉。新製軍裝又被拋棄。度日如年度夜。比年更長。方冀諸將之可激。而時事之可挽也。乃卒以不戰不前。坐視賊逼省城。以致淪陷。可悲也。夫今年杭城將復轉憶前艱。作孤臣怨。

浮雲已四塞。孤月那能明。羣小甘敗壞。孤臣那能擎。可憐時事急。環顧淚縱橫。驕將坐索餉。不決一戰爭。傲吏病臥閣。親倚椒房榮。夜長愁不寐。帳下有老兵。手奉羽書進。又報連陷城。已陷長已矣。未陷誰支撐。憤極繞室。



走鼓角催殘更

田父歎

兵荒廢耕闔室饑餓因饑無力兵過愈荒餒在  
其中聖言真不誣也作田父歎  
春風歸原野不聞田父歌糴米人日少糴糠人日多傾  
家無錢市黃犢那用翦耕絳了衰幾欲竄名入兵籍可  
憐瘦骨難荷戈蒼天仁愛降雨露長年坐廢終無禾因  
荒受饑猶可忍因饑更荒奈若何

迂儒歎

雪門詩草

卷六

蒿日集

四

儒字從需與儒相仿時方尚武何事讀書青袍  
誤人悔何及矣作迂儒歎

時清文士豪世亂迂儒苦芸窗筋骨養成驕章甫衣冠  
流入腐已經佔畢誤平生猶抱皇墳侈前古滿腹詩書  
不療饑閉門懸釜愁風雨駿馬辟易爾何人道是五陵  
游俠伍

宰官愁

浙西兵後居民鮮少多者百餘又或數十宰官  
蒞此兀坐無策作宰官愁

初時作宰愁長吏精神消鑠趨承地。中年作宰愁軍需。士馬絡繹馳交衢。而今作宰愁凋敝。瘡痕屢墮流亡淚。瓦礫城中平鎮日。無人行菁蕪。原上綠。長年無人耕。淒涼墨綬少顏色。傲居破廟風雨橫。日午僮僕喚初起。向我索錢營朝烹。遠道故人相問訊。赫蹄枉賀懷新印。那知今日浙江西。千村萬落成灰燼。襍被孤眠對佛愁。官似貧僧更誰信。

素衣傷

兵荒未已荐加饑疫吳地少年衣多服素纈纈

雪門詩草

卷六

蒿日集

吳

團團是生傷感作素衣傷

曉來太白明東方。蕭瑟乾坤界青霜。三吳兒女走道傍。涼風飄搖素衣裳。見之不忍問。知是連兵荒。蒼天爾何意。殺戮爲主張。前日喪亂亦已矣。今日饑疫能無傷。安得宇宙登壽康。齊服綵衣上高堂。



